


471261



序

胡氏著姓也肇自有周至唐而顯其後分常侍明經兩支
而我隣近洪源係出常侍支後曩者乾隆辛巳常侍支纂
修譜牒在洪源養元堂開局維時來會者自本邑鄉里而
外同郡則有若歙縣隔省則有若浙江之淳安遂安江西
之鄱陽浮梁貴溪皆不辭道遠紛然畢集經寒暑一易而
告成余時年方幼學嘗於是乎觀禮心竊艷慕之今余皤
然老矣溯自辛巳迄茲甲子幾將一週是斯譜之續修非
如賒而實急之務哉顧以族大支繁而必欲廣爲蒐輯道


阻且長疑誤滋多殊難核正其不能一一致詳固事有必
至者則曷若少爲收而詳爲紀之爲當今洪源諸老成人
會議開局續修隔省者固不復集卽近在同鄉者招之不
期其必來間有同宗而前未同譜者亦不輕爲濫入寧取
其簡勿尙其多考証求詳記載弗略誠善之善者也余里
居與洪源僅隔一山眷誼素篤諸老成人邀予與家蘊中
侄代任校訂之役余不敏固辭不獲乃取其前譜繙閱一
過條理明晰確有成規可循正無庸別出機杼第于文字
之當避諱者畧加更定世系文翰之新增者詳爲紀載庶

幾率由舊章之義焉是役也托始於夏仲月告竣於秋季
月惟派系不多故卷帙不繁惟舊章不改故尤不需時日
也爰記其顛末如右若曰纂而修焉則吾豈敢

告

龍飛嘉慶二十有三年歲在戊寅季秋月之吉年家眷教弟金

潭鷺峯氏汪鸞書頓首拜序



東川湯源下派序

自來天下事物有可知有不可知有不可知而可知有可知而不可知君子將惡乎質其成曰知之爲知之不知爲不知而已可知者何耳目所常遇者是也不可知者何聞見所不及者是也不可知而可知者何地或睽時或隔而有獻可徵有文可考者是也可知而不可知者何其事非誣其迹已湮而載籍不存無可考證者是也凡人生皆有祖有父等而上之爲高曾又上之爲歷代之祖彼父而不逮事者不幸者也若祖而逮事則幸矣若曾祖而逮事則希矣若高祖而逮事尤勵矣自此以上遙遙愈遠貌不相

接情不相親矣而由後追前歷歷稽之而恍然若耳目見
聞之可接非賴譜系之詳明不爲功此譜之作所以特重
於天下也然而時更世易或散失於兵燹或淪亡於水火
老成旣謝口授無傳遂茫然不能道其所自者閒亦有之
此豈孫子之過哉時勢然也吾宗東山盛福家故有譜實
同出常侍公後溯其轉徙所自由清華而梓木源由梓木
源而天井源由天井源而嚴田廿八世仁八公之墓在焉
其後又由嚴田遷東山李檉塢不幸家遭回祿尋復遷湯
源下卽今址也前壬午譜未來會修仁八公只註墓嚴田
而其下遂不吊圖今核伊譜以己失傳而自盛福之高祖

以上至仁八公中間闕略惟有曰雙桂公者墓陷田冲與
湯源下住宅相去一里而遙世守有據究其世次亦不可
得而詳矣尚幸與我洪源居止接近不時還往或兄弟或
叔侄稱呼習熟故今茲會修其生丁即依我洪源之世系
以爲紀而仁八公下直以雙桂公係之此下仍闕一代亦
不敢增添一字究之湯源下之出於常侍凡我族中人罔
不識爲同條共貫者又何嫌何疑也哉嗟乎興衰不一變
態無常嘗見有世家大族而置譜書爲緩圖者今湯源下
支丁不過十人乃能於簡斷編殘之餘修譜牒明序次夫
亦可謂知本者矣吾見其先人必將默佑綿綿延延由此

而什伯而千萬固未有量也焘故樂爲輯而序之蓋于可知者詳焉而不可知者則闕焉惟疑以傳疑乃益見信以傳信也地本名東山而文其號曰東川川于湯源義爲近故以東川紀派云

昔

皇清嘉慶二十三年歲次戊寅六月之吉

洪源元焘拜序



戊寅修譜人名

總理

洪源派

元焄

元焯

良堅

在局理事

洪源派

元熠

俊鎰

俊鑑

香田派

添民

國乾

城北派

根璉

原兆

東川湯源下派

盛福



領譜字號

沉字號 洪源派紹先房良堅收

醜字號 洪源派績先房俊鑑收

含字號 洪源派繩先房元燭收

咀字號 洪源派良堦收

作字號 香田派國文收

文字號 香田派國鑾收

其字號 洪源派金男公房新生愛生全收

滿字號 城北爐頭派文魁公房收

浸字號 洪源派緝先房元焄收

郁字號 洪源派

英字號 洪源派梓公房元焯收

華字號 香田派梅^椿公房收


爲字號 香田派煒公房收

章字號 城北派會洲支金鏞公房收

書字號 城北爐頭派文亮公房收

家字號 東川湯源下派盛福收

共一十六副 每副四本



目錄

首卷

序文 修譜人名 領譜字號 目錄 凡例 舊譜凡

例 先賢譜論 分遷源流 歷代衣冠錄 歷代修譜

人名 祖像 誥命 家廟記 家廟祭祀 士大夫家

養生喪祭說 祠堂家訓

卷一


舊總序十九首 舊跋一首

卷二

各派舊譜序十六首

卷三

基圖



世系淵源 基圖

卷四

世系總圖

卷五

洪源派世系 東川湯源下派世系

卷六

香田派世系

卷七

城北派世系 梅田派世系

卷八

歷代行實序傳像贊



卷九

序記

卷十

瑩城圖

末卷

編定後代排行

跋



卷之三
目錄
一
二
三
四
五
六
七
八
九
十
十一
十二
十三
十四
十五
十六
十七
十八
十九
二十



凡例

一常侍公始居清華各支俱自清華分遷而文敏公又後來派別所自起故舊譜曰清華文敏公譜今雖清華不與卽文敏公支亦未全會集仍顏以舊名者不忘所自也

一壬午譜共二十二派此次則不及六分之一然當日不遠而來同局之誼不可忘也故各派譜序俱鈔入其他傳記等文概從刊落

一部帙雖不繁多而篇次款目亦須斟酌竝倣府縣志書暨他家譜書之例略爲排定先後其與前譜異同之處初非自逞臆見至所載舊文祇檢字畫之當避諱及錯誤確鑿者易之餘語句或有疑義亦俱照原本不敢輕爲雌黃

一世彙圖內各款式俱照各家稿本登載不能畫一其中字語
間有紕繆之處則因定稿之人過於自信而又未親來局不
便點竄只得聽之閱者自明其與前稿異同之
一字畫錯誤恒如落葉難掃矧活板更不同刻板帝虎亥豕後
來者宜加細核訂正

一王千繪其二十二版此版限不其六公之一於當日不察而
公文亦未全會乘出賤以辭各條不志視自出
限派自賦效暫請曰散華文嫌公精今編辭華不致明文類
一常對公故錄前華谷文具自辭華衣豎而文繪公又對來題

先正舊編凡例

一譜爲一家之史所以紀實而匪以崇美觀也故善惡脩載使知勸懲

一明族屬 禮曰睦於父母之黨可謂孝矣前人只及本宗而於妻女不著者考覈不及以致遺耳本譜中妻黨女族悉詳細註所以廣愛而明有親也

一辨長少 長少之別惟以行次故明系之上而加行次以別之使長少之倫尊卑之序秩然不紊使萬世而下有所考據耳

一尙同姓 同姓不可混也是吾族者雖微不棄非吾族者雖顯不錄蓋以明一本之親而杜謬援之失也

一避名諱 先人名諱猶天之不可犯後之命名於其子者宜慎之

一譜圖由幹而枝以明世系昭有序也 逐世而修行次明有

別也 有官疏曰某官尊有爵也 無官書曰某公明有尊

也 以下書名不書公示卑不敢踰尊也 無子而立後者

明紀之示有傳也 他姓來繼者書來紹示不當紹也 出

紹他姓者書出紹示不當出也 遷居者書遷某處明分派

也復遷者書繼遷謂由某處而繼遷某處也 人只以本宗而

一圖繫下詳書名諱字號行次紀其實也 生忌墓向示不忘

也 取某官某氏女昭妻族也 女適某官某氏昭女族也

一尊所自出 繫本枝近枝書諱旁枝遠枝書行尊者壽者書

公卑者少者書名有官貴者書爵此蘇洵譜例也

一亡諱無嗣

繫書某書夭書止書無子者此歐陽修譜例也

一禮有三殤

上殤自十九歲至十六歲爲長殤已娶可娶者

則服之爲成人編入行第

中殤自十五歲至十二歲爲中

殤編入譜亡者註夭不入行第

下殤自十一歲至八歲以

下爲下殤不註

一異姓來繼者有三

良家子則書賤家逆家子不書乞覓寄

生子不明者不書

一出繼出家者有三

出繼外姓者書只于其下註繼某氏其

子則不書所覓以上降下或以下陞上者亂序不書出家出

遷者皆書爲大惡爲下賤者只于其下標註不書

一 出繼歸宗者有三 所繼父有後願歸宗者書如無後者已
承重理不可歸宗者不書如祖父出繼子孫不可歸宗者不
書

一 譜貴發潛德之幽光祖宗之盛德並書不遺

一 譜有六不書 凡此六者皆有玷於祖宗有一於此黜而削
之

一 曰棄祖 棄賣祖墳地於異姓貨鬻族譜於非族者謂之
棄祖

二 曰叛黨 前人叛逆抄沒而餘黨苟全於世者謂之叛黨

三 曰犯刑 積世恣惡代遭刑獄者謂之犯刑

四 曰敗倫 葬倫瀆亂男女無別禽心獸行者謂之敗倫

五曰背義 不思祖宗義重惟圖苟行微軀甘爲下流者謂之背義

六曰雜賤 不肖無恥甘與下賤爲婚者謂之雜賤

續編凡例

一按胡氏得姓原自滿公當以滿公爲鼻祖若滿公所自出書史紀載甚明考舊譜有紀自軒轅者而世繫又不詳有載自闕父者亦屬贅筆斷以滿公爲始

一按舊譜自常侍公而上俱叙世系是爲外紀乃合觀羣編名號互異且多寡不同殊難畫一今閱常侍公本傳自二十三世廣公而下歷述雲仍大略可考因擇諸簡中不背於本傳者仍其舊而載之即後以信前庶無大謬云

清華古史公家譜 卷首
一按常侍公父僕射公子共十四人舊譜自常侍公而外獨載第十二子珍公查祁譜又載第二子寧公咸畧而不詳今只以常侍公爲大宗餘子俱於僕射公名下註明內紀不復續載乃倣蘇氏尊所自出之意

一按舊譜有九世孫文靖譜跋內載常侍夫人戴氏今考本傳常侍夫人實李氏其父名建餘次妻并妾共十數人無戴姓者而戴氏乃僕射夫人常侍之母也常侍本傳乃七世孫警公訪得於京師講堂之祠其紀常侍生平出處最詳核當據爲實錄故是編凡與本傳不合者悉逸之

乾隆辛巳續增凡例

一自文敏公下各派分支凡舊譜已載有遷徙未詳或子姓難

稽者姑仍其舊只於名下註未續二字以待日後統會其考
實無後者乃註止字以杜頂肩之弊

一繼紹之例昔人最重所以澄其源也過寬則濫過嚴則又滋
爭舊譜凡例書法已善今略加旌別凡入繼同宗必叙昭穆
昭穆紊者宜斟酌改正其同宗應繼則註繼兄弟子某爲嗣
若繼外姓爲子者則註覓某姓本宗出繼外姓者則註出紹
一字之分庶免紊亂之弊倘既有繼子又有親生者不論長
幼先書所生再書所繼重一本也至各派來稿并舊譜或有
隱瞞者無干今日任事之咎

一 是局纂修只文敏一支舊譜所載文翰皆六公十一公派爲
多不便編入其孝思錄廟祭等篇乃百代典型別爲一卷以

殿後

嘉慶戊寅改入卷首略述新凡例中

一舊譜有本枝書諱之例而播閱遺編悉以行紀系每有重複之弊且宗祖之名多畧而不載後之孫子茫然莫辨今倣先賢譜例一概書各其名無可考者姑仍其舊

一古人云事蓋棺而後定故贊傳之作乃子孫所以闡揚其宗功祖德非可自為誇譽也有善行而生存者留貽孫子概不

濫入

一節孝

朝廷所重

特恩旌表不論存歿有青年矢志玉潔冰清者年近五旬則事以志

定概加贊揚以彰懿行若下堂之婦固屬義絕然無子者註

一出字有子者則註改適某姓俾孝子順孫後日得以稽考
倘有隱諱而不書者是只知母而不知父自蹈不孝之罪無
關他人

一譜成即畢即燬其板以七言律編號註某派某公下某人領
俾各族通知散譜之數另刻条記用朱墨鈐蓋庶私鬻者不
得行奸收藏者亦知任重以免磨壞鼠蠹之患

一是編未會到局者咸自十五世後于各支名下註未續二字
惟梅田派乃先賢雙湖公嫡裔因其式微照依老譜編載者
另附于後以示不忘之意

一先賢雙湖公常侍公十一世孫文敏公後也因考川昌認乃
將前人辨証載之俾後得以稽考云

一 漢書卷之九

一 漢書卷之十

一 漢書卷之十一

一 漢書卷之十二

一 漢書卷之十三

一 漢書卷之十四


一 漢書卷之十五

一 漢書卷之十六

一 漢書卷之十七

一 漢書卷之十八

一 漢書卷之十九



先賢譜論

程子曰宗子法廢譜牒尙有遺風譜牒廢人家不知來處世無
百年之家骨月無統雖至親恩亦薄也

深山董氏曰吾聞之傳曰先祖有善而弗知曰不明知而弗傳
曰不仁此譜之所由作也

黃山谷曰世之有氏爲族者微有譜識其所從出考其所由分
世日益遠族日益繁必至於不相維繫而昭穆之辨淆矣

歐陽修曰族之爲言簇也尙夫聚而有別姓之爲言生也本其
所自生氏之爲言示也示其所自分自姓統氏分之制變而
支派日已紊矣大宗小宗之法廢而族屬日已疎矣於是不
變者累數千百年而其子孫動且萬計賜者別者更者冒者

紛復交錯於其間愈益難明而後譜牒之辨殷焉

呂本中曰國無國之道而後國亂家無家之道而後家亂故禮樂紀綱者國之道也宗法譜系者家之道也

蘇老泉曰太上立德其次立言其次立功譜牒者亦立言之一端也又曰人家三世不修譜則同小人矣

王荆公曰余聞老泉論譜牒謂可知者續之不可知者缺之此語極有病夫人不生於空桑豈無祖宗可知者固可續矣其不可知者必夜而思旦而求捱形捉影如今人之捕獸豈有不得者焉苟失於知而又安於不知其爲不孝益大矣

北溪陳氏曰譜牒者人身之根本也根本不明則顛倒無據或妄委其姓冒人戶貫或妄以戶貫而混其宗支何止於托漢

婿而冒姓劉以狄種朱邪而附李屬籍者耶

梅溪王氏曰凡作譜者不過爲祖宗重也人知重乎祖宗則所
存惟仁而匪仁不存所行惟義而匪義不行何也恐得罪於
祖宗也

五峯胡氏曰甚矣譜牒之不可不作也譜牒作則昭穆有序而
疎戚不遺百世之下猶足以知其分殊而一本不作則喜不
慶憂不弔不以至親相視如塗人者鮮矣

默齋游氏曰宗法廢壞士君子無地以致其親睦之意獨有譜
牒一事猶能稍合宗族而收其流散是以前輩多留心焉

新安程氏曰譜之要在明一本而濬其源所以尊祖而敬宗也
究萬派而清其流所以別親疎之遠近也辨昭穆等降之殊


清華古史文獻卷之二
所以識尊卑之次第也行吉凶慶弔之禮敦孝友睦姻任恤
之行所以崇宗族之典禮也

可堂吳氏曰宗法廢而後譜作譜作而後族尊族尊則一族之
人始有所統孝敬之心油然而生不至相視如塗人譜其有
關於世教也大矣

宋景濂曰甚哉譜牒之難稽也君子當盡心於所不知信其所
可知而已耳人有言曰三世不修譜爲不孝苟世世修之其
有不孝之失耶君子慎焉可也

羅一峯曰自宗法廢而後譜學興矣明其本之自出所以尊
也別其支之由分所以親親也尊七親七之道盡而族之大
本立矣

白厓彭氏曰古者之保姓受氏也天子賜之司商協之立宗法
以聯屬之而忠義之教成朝廷之勢尊天下之家正保族者
保天下之道也





夫天不亡我

以細微之...

自古道...

文敏公支下同修世系各派分遷源流總誌

粵考唐常侍學公由黃墩卜居清華爲清華胡氏之始祖生有八子列處四坊我二世祖延晞公其第五子也晞公生二子長曰繼寧公遷居長饒是爲長饒派之分祖茲不具論次曰文敏公乃今同修各派之共祖也公生四子伯曰珍仲曰霆叔曰靖季曰倫

珍公生三子曰湜曰百十一曰介臣介臣公生奉若奉若公七傳有子志公者由清華而遷梓源子志公生七子長曰四五公生元高元高公生勝夫勝夫公生美四美七美四公生雷真公由梓源而遷賀家邊雷真公後五傳有天孫公者又由賀家邊而遷廣信貴溪美七公生二子玉祖宗文玉祖公由梓源而遷

大源玉祖公後十傳有友坤公者又由大源而遷畢源宗文公
由梓源而遷天井源其第五子千廿三公生隆二隆二公生回
回公生喬壽喬壽公生羊羊公生趙德友德二公由梓源而遷
黃沙下村

霆公生四子曰灌曰遠之曰拱辰曰置遠之公幼子舜年公生
四子長曰安時公生天均天均公生信厚信厚公生元友元友
公生南夫南夫公生師龍師龍公生順務順務公生拱五拱五
公生雷應雷應公生仲顯公由清華而遷龍山坦頭仲顯公之
子曰圭三公又由坦頭而遷洪源昭璜公生天啟天啟公長子
愈公遷休寧斷石至廿一傳有遲公又由休寧復遷鄱邑河塘
村上嶺塢拱辰公次子鵬公生軒軒公生時潛時潛公生八七

八七公生三六公由清華而遷洋峩三六公曾孫有德五公者
生五子幼子成八公生敬一公分遷洋峩上門置公生三子次
曰廿二公生述述公生周簡周簡公生非震非震公生之德公
由清華而遷祁門之德公生三子惠忠聰聰公由祁門遷歙之
桂林坊聰公第四子竺公復遷歙南高山竺公生庚庚公生明
旺明慶明廣明鄉明慶公生四子曰亥曰卯曰未曰均禮亥公
居高山生二子長曰智乙公至七傳有天祿公者又分遷遂邑
湖口後嶺次日周保公生和壽和壽公生宗遠宗義宗永遠公
第五子曰琦公之次子太度公復遷遂安東亭新場畝義公生
貴貴公生英榮榮公生滋滋公子曰栢公者遷淳邑胡村畝永
公生二子曰琛曰瑜琛公生積榮公遷塘林廣積榮公生五子

其三子曰沆公又分遷淳安郎角塘瑜公遷淳安雲濛源卯公
生關保關保公生榮祖榮祖公生戊保三保文保三保公次子
東林公遷滕源佛嶺文保公遷金竹嶺中門未公遷李黃塘四
傳有長壽公遷東川明廣公生佛祖公遷上高山明鄉公生佛
家奴公遷高山塢口奴公再傳有興祖公者遷金竹嶺上門三
日照公生程程公生宗顯宗顯公生四子長安和公生成章成
章公生應冲應冲公生士龍士龍公生成成公生元保德甫二
公由清華同遷金源次安國公生璠璠公生應中應中公生士
仁士仁公生茂二茂二公生禮三禮三公生樟公世居清華三
安行公生環環公生應華應華公生士炳士炳公生克復克復
公生用成用成公生天迪公由清華而遷香田四安世公生大

五大五公生六六六公生季一季一公生震一震一公生三
子次曰宗二公生文敬公其後三傳有曰思善公者乃遷居城
北兆三公遷辛田

靖公生二子曰絳曰穆絳公生清卿清卿公次子曰軻公生二
子長溢公生進進公生方平方平公生一桂公由清華而遷梅
田

倫公生三子曰悅曰良佐曰莘夫悅公生靄靄公生叢叢公生
十三公由清華而遷沽坊後復遷早口至九傳有漢祖公者生
三子元清妙清紫清元清公七傳有天時公遷浮邑高嶺四子
名尾生又分遷浮邑之天寶都頭妙清公六傳有天秋公又由
早口分遷痕頭天奇公遷前坦

歷朝衣冠錄

科第

唐宋

咸通九年中鄭從謹榜進士官至銀青光祿大夫御史中丞散騎常侍封開國男入鄉賢

乾德甲子進士官徐州學正

祥符壬子舉進士官奉直

大夫簽書樞密院事

太平興國七年以武舉及第

景祐殿授國子監直講先儒

慶歷壬子楊寅榜進士歷官正

議大夫資正殿大學士

皇祐癸巳鄭獬榜進士官奉直大夫

天聖丁卯進士官至工部尙書

號雪窓至和甲午鄉舉進士

嘉祐丁酉章衡榜進士鄉賢

元豐己未時彥榜進士鄉賢

紹聖元年登畢漸榜進士官刻縣主簿

元豐五年登黃

裳榜進士官朝奉郎

政和二年登莫濤榜進士

謚文定紹聖科進士仕宗官至寶文閣先儒

紹聖四年登何昌言榜進士官

深州通判擢金部郎中

元符己卯鄉薦官至禮部尙書都官郎

政和甲午鄉薦官大理評事


政和甲午科解元

政和乙未何臬榜進士鄉賢

字君祥政和進士官主簿鄉賢

政和八年登王昂榜進士官縉雲縣丞

紹聖



四年登何昌言
榜進士 先儒
昶 宣和辛丑何
煥榜進士
閔休 靖康丙午董藻榜進士知兵
科歷官至成忠郎 鄉賢
連 建炎戊申
李易榜進

士 鄉賢
師禮 溢 紹興壬子博學科
進士官承事郎
元圭 紹興庚辰梁
克豕榜進士
警 鄂州府安撫制置
司府助教 鄉賢

賁 宗况 推 以春秋
發解
良圖 汝奭 淳熙丁未登
王容榜進士
政 嘉定癸未蔣
重珍榜進士

仁阜 以三舍請舉書
魁授將仕郎
颺 紹定壬辰徐元杰榜進士授迪功
郎調湖口尉歷德安知府 鄉賢
應申 嘉熙丁酉詩科舉
進士官至學錄

震 淳祐丁未張淵微
榜進士 鄉賢
升 淳祐庚戌方逢辰榜進士入史館
授國史編校賜迪功郎 鄉賢
瓊 先儒
寅 先儒

康侯 寶祐丙辰文天祥榜進
士官浙江戶參 鄉賢
宏 先儒
文虎 叔達 适 勤

思訓 思永 伯虎 表東 紹興五年登任應辰
榜進士授真州校官
自厚 開禧元年登毛自
知榜進士官廬州

知州 入鄉賢
持 隆興元年登木
待問榜進士
自誠 用虎 憲 安素 一桂 景定甲子
鄉舉進士

先儒
季中 咸淳丙寅鄉貢進士
任常州晉寧縣尉
大言 休 義問 祁
登劉章榜進士官
至宣議郎保信軍推官

會龍 祁 進士
官至運簽
從龍 祁 進士官
至翰林教書
廷桂 咸淳辛未張
鎮孫榜進士
宗閔 鄉舉
第六

伯仁 以春秋及第
歷官侍郎

明

昶 景泰癸酉科舉人官
廣西桂林府教授

永興 祁

文祥 歙

守 餘干 宏治甲子鄉薦登正德
戊辰進士第任蘇州府知府

德 正德戊辰呂柟榜進士歷官
雲南布政司左參政 鄉賢

大全 歙

晟 嘉靖乙酉科舉人
任湖廣沅陵知縣

容 嘉靖辛卯科
舉人官寧波

府同知遼
府長史

臯 官知
縣

濬 成化十九年鄉舉官崇
陽知縣改惠州府教授

良俸 休

昉 歙

宥 休

辛 由貢舉授
饒州通判

守忠 祁

用賓 隆慶戊辰登羅萬化榜進士歷官南
京湖廣道監察御史太僕寺卿

辰 鄱

篤卿 太

大輅 休

尙志 績

思誠 祁

士昌 崇正戊辰劉若宰榜進士
歷官兵部職方司主事

考府縣志科第名錄此譜有未盡載者今只仍舊不復增入惟科分及歷官有未註者悉照志書
補註 又按雙湖公支屬辯証則常侍裔清華與明經裔考川劃然兩不相混而此錄中多有考
川其人者想宋元時統宗會修故比而同之迨後乃源遠而末益分耳今亦仍舊不復判別

宦次



唐宋

瞳 金紫光祿大夫左散騎常侍尚書右僕射

延簡 承蔭尚書

延晞 官封評事

延魯 尚書散騎常侍

邦 奉議大夫

輝 金紫光祿大夫
修 迪功郎

傳 迪功郎

璠 中丞金紫光祿大夫

霖 奉議大夫

中值 迪功郎

思温 饒州兵馬都監承忠郎

師範

師益

昌齡

師尹 承事郎

師愈 助教

遠 勅封御史
藻 承事郎

傑 保義郎

怡 保義郎

恪 承節郎

允嘉

省信

允習 贈承議郎
升 見前科第

杲 承節郎

東 承事郎
維 承事郎

師言

涿

晟 承事郎

德廣 子

永孚 助教

永言 助教

安忠 國子監助教

禹

克一 武昌軍朝彥助教

廷碩

志

斌卿

時

觀

夢炎 教授

士能

世榮

學古

學文

大猷

淳厚

謙厚

宗及

攀龍

德明 文炳子府教諭


存義

天瑞 會稽縣教諭

龍

懷

述 贈評事



朴 贈武議大夫

天鳳 承事郎

時潛 教諭

永 助教

真門 助教

真望 助教

務 官承務郎

宗禮

宗顯 官承事郎

益 官助教

察 又名譽見前科第

元諒 官助教

元善 團練使

植

信厚 迪功郎

侔 饒州總管

光中 官國子學錄

安仁 官主簿

安民 官承務郎

安行 官承務郎

安世 官承務郎

世昌

文煥

文友

文明 官秉義郎

仲啟 判院

釜 官承信郎

元中 迪功郎

方平 教諭先儒入鄉賢

玩

偉 官司

聞 一幹

尚之

千之 官承信郎

實 賜將軍職

文龍

伯富 任開封縣

再興 長樂縣教諭

景

應元 郡

俊傑 郡

憲 郡

愿 郡

懋 郡

有濟 郡

有德 郡

廷昭 泉州通判

榮三 郡

驩

叔濟 承事郎

澗 迪功

佐時 郡

璋

汲

德裕

峻

仁厚

邁

選

德紹

致中

玠

鎮

俊

世环

知微 本州通判

思訓 貢元

知柔 迪功

郎

思永 饒州助教

思禮

宗敏

芝本 盱眙縣教諭

浩 迪功郎福州知錄

敬存 本州考試官

孝純

應龍 宜議郎

崇 休寧縣教諭

世珍 迪功郎

傑 侍御殿前將軍

聰 保義郎

升 迪功郎

舉 承信郎

廷桂

機

南

堯臣 臨高縣知縣

昇卿 迪功郎

奇翁 登仕郎

孝恭 迪功郎

椿

照

如桂 福州司理叅軍

子椿

宗定 副使

賓王 迪功郎

以獻 文華殿中書

璣

淳祖

仕漢 遼東經歷

均佐 知縣

晉臣 秦州助教

景龍 文林郎

以文 宜議郎

以行 宜議郎

以忠 宜議郎

仁周 宜議郎

佈 助教

世明 宜議郎

昶 評事

邦政 宜議郎

彥容 承事郎

大椿 宜議郎

仲本 迪功郎

應昌 宜議郎

松年 進議郎

應瑞 宜議郎

應臣 宜議郎

師禮 武翼大夫

天惠 宜議郎

正道 承事郎

應龍 宜議郎

邦獻 宜議郎

天椿 宜議郎

琮 宜議郎

獻 進議校尉

汝奭 修職郎

德謨 教諭

安思助教

惠檢討

韶登仕郎

有忠助教

允張承事郎

驥知縣

萃迪功郎

應洪承節郎

元

繼祖

逢龍

寬衢州知府

宸

裕官平江制幹

祥

貞

九鼎

振翁

暉鄂州助教

子巖休南京校尉

彥初

敏初

諍休

靖保

世臣官學錄

夢龍官判院

應廉

文龍知縣

克已學直

應拱承節郎

相之本復初

明

伯祥

銑休

永同

景康

佑賢休縣丞

效賢休

夏贈戶部主

事復贈江西副使

元昉官授獲鹿縣丞


鏞

以巽歙

中子

大猷歙

伏



青蓮月氏之校公宗譜

歷朝衣冠錄四 宦次

十九

大器 休

閏 休

子豫 休

登

善祥

思才

仲敏

鑑

佐宗達

道存

洪武初知縣

璽

正德慶源主簿

文英

一章

伯瞻

縣丞

善童

官照磨

華

官教諭

偉

福州縣主簿

達

文林郎

紹

浩

栢

顯

新本源 祁

時庸 祁

本固

祁常州府教

天祿

文源

歲貢授太和訓導轉

蘓州教授

鼎高

袞

鄱

仲瑤

祁

廷憲

青陽

東昇

崇文

萬歷諸暨主簿

應裴

考授州同知

智先

保義郎

應洪

承節郎

廣孺

進義校尉

永信

承事郎

復寧

永華

迪功郎

煦

徵仕郎

玘

正父

文林郎

六保

迪功郎

金魁

進

宣議郎

定思

惠

登

育忠

人

文

顯

歷代纂修譜牒先正名籍

宋

七世孫

柳莊先生

諱仁昉字德昭號柳莊治平元年始修統宗譜系自始出祖胡公滿歷傳至始遷祖常侍公而下世次皆明脩

八世孫

雪窓先生

諱深字逢道號雪窓遺老建中靖國元年作譜序

八三助教

諱登字審言宣和五年仕河南拜常侍祠得行實并像隆興二年序始祖行寔

九世孫

樵隱先生

諱師言字元龍號樵隱乾道九年作譜圖序

文靖先生

諱浚字文靖開禧二年編圖冊作譜跋



文宗先生

諱潮字文宗又名文海嘉泰四年詳註圖系作譜序

元

十世孫

定菴先生

諱升字潛夫號愚齋晚號定庵至元十四年作譜序

十一世孫

雙湖先生

諱一桂字廷芳號雙湖大德元年作統譜序

玉林先生

諱世榮號玉林大德二年序譜作宗派圖

十二世孫

得雲先生

諱天瑞字得雲至元壬辰作譜序

十三世



壺山先生

諱介字如石號壺山
至元壬辰作譜序

濟鼎先生

諱驪字濟鼎德
祐元年作譜序

良駿先生

諱良駿至元二十九年
作叙說編服制圖

明

十六世孫

道存公

諱道存洪武
己巳作譜序

二十世孫


世顯公

諱文敏公譜序
嘉靖辛亥

二十二世孫

世英公

諱仁偉嘉靖
庚戌作譜序



二十四世孫

用賓公

諱晉卿嘉靖辛亥作譜序

國朝

二十六世孫

文燭

諱康熙庚申作延晞公譜序

乾隆壬午同修名籍

二十六世孫

士曦

香田派

二十七世孫

時嘉

清華派



慶玉 洪源派

二十八世孫

啟枝 洪源派

天華 香田派

煥耀 洋峩派

仁遐 井源派

啟棠 洪源派

二十九世孫

元爆 洪源派

元焯 洪源派



示敬 無所忌

示敬 無所忌

二十次世系

焯棠 將而通

斗巖 共通河

與繁 若姓通

天華 香田通


焯林 亦通河

二十八世系

與王 將而通



金紫 光祿 大夫 瞳公 遺像



宋丞相趙普題贊

威振華夷


功揭天地

一代英雄

千載廟祀

有像斯存

凜然生氣



鼻祖

銀青

光祿

大夫

常侍

公像



像贊

仁撫疲民



勇馭悍軍

勦除逆寇

敷教成均

文謨武烈

社稷之臣



真

驗

光

大

常

公

二世

祖評

事延

晞公

遺像



像贊

汪洋度量

卓爾豪英

行全孝弟

志秉忠貞

澤遺苗裔

孫子雲仍

廊廟儀表

披閱如生

二



始祖常侍公授祭酒誥

詔曰乃文乃武是謂全才養賢養民初無二理况太學所以教
胄子而所司必擇夫大臣爾胡學秉心淵塞學有本源既能展
韜略以破巢復當明訓典以造士昔臯陶弼刑於五服而吉甫
垂憲於萬邦爾身克正罔敢弗正民心罔中惟爾之中經筵進
請匪仁義道德弗陳禁宿論思惟禮樂詩書是務毋謂吾君不
能堯舜須求其治底於成康茲特命爾檢校國子祭酒奉勅如
右符到奉行光啟元年月日下

右祭酒真誥壹道係休寧霞阜六
公派下廿葉孫國子生大器收執

授殿中侍御史誥

詔曰門下常侍胡學資兼文武軀類湯文輔佐開闢鴻基清寧

海宇國之良臣朕之翊股特陞爾爲卿常侍恪慎其職封大夫
以副朕心乃繪汝形於凌烟閣上庶朕朝暮如見汝之在左右
也欽哉光啟元年月日

授御史中丞誥

勅宣欵節度討擊使銀青光祿大夫檢校國子祭酒兼殿中侍
御史胡學右可兼御史中丞餘如故

勅爾等風雲稟氣鐵石居心奮驍銳於軍前立功名於馬上聞
爾誓驅戈甲必掃欃槍迭升霜憲之榮用振轅門之勇可依前
件光啟三年月日

右御史中丞綾誥一
道係香田派下收執

封金紫光祿大夫瞳公誥

詔曰朕命官之慶得以其親乃忠義之父及其室家之封顧今
學以職秩加於父恩從其後將以極尊貴老成之義也綏爾眉
壽服寵無斁可封爵金紫光祿大夫浙西節度副使祿廩給以
二品封母戴氏新安郡君封妻李氏歙安夫人奉勅如右牒到
奉行光啟三年月日下

常侍公致仕誥

詔曰胡學復勲之功臣賜新安郡開國男食邑三千戶本官致
仕奉勅如右牒到奉行文德元年月日下

書唐御史中丞胡公勅命後

夫惟一字之褒寵踰於華袞片言之贈恩過於金帛何也蓋
華袞金帛榮於一時者也一字片言榮於萬世者也余觀清

華胡氏士孚所藏先世諱學者受唐勅一封逮今數百禩寶翰若新嗚呼桑田滄海不知其幾更變矣而公之勅命獨存匪後允之賢詎能珍而有之以至於今日乎非公之積累又豈能垂休光以照耀於後裔乎所謂一字之褒片言之贈不特為一時之榮而為萬世之榮者其信然歟為胡氏子孫似士孚者宜寶之哉永樂丙申春翰林典籍兼纂修大典穎川陳壽書

贈胡士孚珍藏始祖誥勅詩

兵後誰家存舊物惟君祖誥獨能留豈非先意深難泯故遣慈心火得收唐室恩光猶顯貴胡家文采正風流品題宜動時賢筆珍重相傳更未休古番程卓題

鼻祖承恩日依稀六百年勲名宣歛著才學日星懸
唐室方多難邊臣互擁權威聲炎夏日節操凜霜天
綾誥猶存在桑田幾變遷默遺英氣集尚覩墨痕鮮
應有神明護良由孫子賢乾坤潛轉運寒暑豈遷延
想見當時事留題此日篇更期培厚德祖澤永相傳
永樂甲申七月望日同邑汪士瞻題

皋公授徵仕郎誥

勅曰國家以牧民之責寄于州縣必長貳得人乃克有濟爾直隸真定府冀州判官胡皋發跡賢關擢官州佐歷年茲久益著勤能宜有褒恩用旌往勩是用授爾階徵仕郎錫之勅命以爲爾榮爾其益盡乃心益修厥職用稱克任之意欽哉


勅曰夫婦人倫之始朝廷褒勸臣下而命必及之所以厚人倫

清華故兵公每金言 卷首
也爾直隸真定府冀州判官胡臯妻王氏乃克勤內助以相其
夫夫旣顯榮爾階貴茲特封爲孺人服此榮恩永光閨闈宏治
五年十二月十七日下

封徵仕郎貴公誥

勅曰國家寵任事之臣而推恩必及其親者所以勸忠於孝也
而何間於存沒哉爾胡貴乃直隸真定府冀州判官臯之父義
方訓子克舉厥官溯厥本源宜用褒顯茲特贈爲徵仕郎直隸
真定府冀州判官靈爽不昧尙克歆承
勅曰朕惟羣臣之才者固本於父訓亦必資母德焉存有褒沒
有贈此國家之令典也爾徐氏乃直隸真定府冀州判官胡臯
之母有子能官祿養不逮揆其所自恩典宜加茲特贈爲孺人

服此隆恩永光泉壤宏治五年五月十三日下





此世刻本...


家廟記

物本乎天人本乎祖凡有血氣莫不尊親先王因心制禮自土
以上皆有廟享其祖考所以報本返始也秦焚書禮樂先廢歷
漢唐以來典禮粗復凡祭享拜掃皆有常儀更五代禮又復缺
天開我宋文明之運孝治益盛慶歷初皇帝親享郊廟慨念羣
臣私廟未立非所以廣孝也詔文武臣僚許立家廟當時因循
沿襲尚有十餘年睿心聖意形于歎息謂風教頽陵勸戒有所
未孚宋元憲公進對屢聞聖言迺奏古今異儀封爵殊制禮官
既不講求私家何緣擅立又曰建宗祊序昭穆所以爲孝雖有
過差是過於爲孝也今殖產業營宮室與民爭利不以爲恥逮
立廟則曰不敢是敢於爭利而不敢於爲孝也帝曰俞詔考家

廟制升讀國史嘗拜手稽首聖君賢相仁恩溥博聖化恢宏本末先後固如此也升家世蒸嘗薦于寢先君分庠節鎮待次里閭營菟裘於所居之左因補襲葺別塾爲謝事求閒計歲在丁巳升不孝坐罪遠竄且禍延先人未克塋越三年升蒙恩生還忍死以奉喪事乃即先人別塾改爲家廟一堂五室中奉始祖散騎常侍左右二昭二穆爲門三間藏祭器於東藏家譜於西飾以蒼黝皆制也廟成子孫在側列侍因謂之曰先王立廟以總攝人心孝子順孫果於是而盡心焉齋明盛服以承祭祀入室僂然必有見乎其位出戶肅然必有聞乎容聲致愛則存致愆則著著存不忘乎心此君子所以不死其親也吾常侍公仕唐至今十五六世矣公八子聚族里居者六公九公二位譜系燦

然雖有遠近親疎然春秋夏冬同一氣也枝葉本根同一木也
貧富必相卹緩急必相助務儉約而相與有情辨趨向而相資
以善毋以勢力虐孤幼毋以驕傲視長上苟於此而有一焉實
所以辱其先壞其俗爲祖宗罪人昔老泉蘇氏族譜序曰吾少
時爲不義者則相嫉之如見怪物焉慄焉而不寧其後力衰也
猶相與笑之今也相與安之是起于某人也其顯斥斯人六行
之虧以其誘於人也速而其爲害也深又其輿馬足以蕩惑里
巷也比之小人其貨力足以搖動官府其修飾言語足以欺罔
君子是州里之大盜也又曰吾私以戒族人髣髴於斯人者毋
過吾門也信乎其絕之之嚴也終焉則曰庶乎其有悔也又知
君子終無絕於人也升輒於老蘇之言申之以示鑒戒知所鑒

戒則為善人則無愧於家廟矣無愧於家廟則神之格思必歆其四時之薦矣子孫相與體乎此可也謹書之以為記泰定元年甲子七月望日十葉孫國史編校升謹記



家廟祭說

君子之祭也竭孝敬以交神明立表儀以示教化宗廟饗之子孫保之是故其禮為至重以之治國如示諸掌况一家乎蓋所以為孝敬所以為表儀豈矯貌於一時必積誠於中心雖微而顯致愨而著固有不可揜焉者記禮者曰惟聖人為能饗帝惟孝子惟能饗親饗之為言鄉也自我中心鄉之則神之格思不可度思自然必有饗於我矣且天地四時教思無窮秋露既零草木皆落君子有悽愴之心傷其親之不可返也春雨既濡草

木皆萌君子有怵惕之心傷吾親何爲而不返也先王沿情而制禮因時而定祭曰春禘而秋嘗曰夏禘而冬烝陰陽之義旣脩䟽數之儀不愆孝子體之色不忘乎目聲不忘乎耳好惡嗜欲不忘乎心生則以之而致其養歿則以之而致其哀祭則以之而致其敬祭必身涖之且原乎昏禮之初將以求助乎宗廟之祭也是以夫夫婦婦先事以有爲方其未祭也潔其宮室修其墻屋菹醢之當脩俎簋之當飾內外交致其力而無疑庖人供祭祀之好羞注云若荊州之醢魚青州之蟹胥雖非常物進之孝也說文曰蟹胥者蟹醢也孟子曰夫子先簿正祭器不以四方之食供簿正是以夫子先以簿書正其祭器使有定數不以四方難繼之物實之夫祭有常數食有常品則其本正矣夫

子之正所以立萬世之常周禮庖人之供又以見孝子順孫愛親之切雖非常物苟有可致而進之必盡其心焉此天理也將祭則夫婦齋戒致敬朝夕如見其存祭之日盛服入廟周旋奉事而不違事死如事生事亡如事存又若昭明恍惚有不可度者是以孝子於此樂與哀半樂則樂其餘生哀則不忘其所生也洞洞屬屬其爲孝敬之至也與夫禮樂旣備薦饗旣畢祭之有餽鬼神之餘也若受命而頒之昭穆以繼而老窮之不相違少長有禮而強弱之不犯均惠以逮乎賤博澤以待下流君子於是又有以觀孝敬之誠而表儀示化所以知其有政也故曰賢者之祭也必受其福夫福者何也百順所脩之謂也宗廟享之子孫保之長幼貴賤觀感而動舉順乎道而無所拂皆我孝

敬表儀所致豈非備此百順之福乎雖然曾子又曰嘗而薦之非孝也養也君子之所謂孝也國人稱之僉曰幸哉有子如此斯所謂孝也又曰父母歿慎行其身不遺父母惡名可謂能敬終矣是以饗之爲字食爲下焉此又君子所當勉也彼識汙而致輕慢焉如不渝薦焉如不欲已徹而返如恐或後曰燕毛非吾事也逮賤非吾職也曰辨賢非吾與也是以不思而返本也以此而祭瀆也祭如不祭固甚可歎息也葉水心曰厚墓而薄廟以形爲實以神爲誣此委巷小人之事奚取於禮吁厚墓而薄廟固不可也况未嘗有厚於墓而薄於廟者乎是豈足以人道望之耶或又曰延陵季子之禮也曰骨肉復歸於土若魂氣無不之也是以古之人貴魂而賤魄舍降而求升然以禮揆之

亦不容有偏重在墓則墓重在廟則廟重各盡其志可也余老矣而傳疑已久矣况又十九年于外且失中饋之助徒有志焉而莫伸今當自誓未死之日悉願盡其心焉因編祭法以自警云定庵升謹誌

士大夫家養生喪祭說

蓋聞天生萬民人倫攸序有夫婦而後有父子人子者父母之所生祖宗之所蔭孔子曰身體髮膚受之父母不敢毀傷孝之始也夫孝始於事親事親者生事之以禮死葬之以禮祭之以禮可謂孝矣生事之以禮者父母在堂昏定晨省知饑知渴知煖知寒順意承顏怡聲下氣不憚劬勞樂其心不違其志苟不違斯可謂生事禮之大略矣若或有酒食先生饌莫供溫潤之

色惟以口體之奉奚啻犬馬之養罔念生身之恩而有一朝之
忿亡其身以及其親實非事生之禮矣死葬之以禮者孟子曰
親喪固所自盡也執親之喪哭不偯禮無容言不文服美不安
聞樂不樂食旨不甘爲之棺槨衣衾而舉之卜其宅兆而安厝
之居喪三年泣血斬衰未嘗見齒斯乃死葬禮之大略矣有等
居喪雖披衰麻不行喪禮未及卒哭旣虞舉柩委之於野云求
吉地動經三五年棺朽骨暴蠅蚋姑噉之尙不埋瘞實非死葬
之禮矣祭之以禮者孔子曰祭如在又曰事死如事生事亡如
事存孝之至也凡事死之禮當厚於奉生者故春秋祭祀以時
思之時思之禮設席于堂陳几列次明其昭穆如見其位衣冠
儼肅寅畏虔恭陳噐薦食而祭之以禮可謂宗廟之敬不忘親

也有等不義而富之徒罔知事死如事生之禮不念時思若遇
災病竟聽桑巫茅師之語宰牲具饌設以盆羹餽飯祭祀先亡
無誠無敬如施孤迷是失禮之中又失禮焉如不祭也噫習俗
愚夫乃至此乎然而士大夫之家嫡後嗣續其于生事葬祭務
遵先王之典生則親安之祭則鬼享之上行下效雖幼者漸知
禮義矣其有出非喬木僥富僭禮奢祀先亡殊不知田舍先翁
不能當禮及至獲咎不得爲而爲者是也吁去聖日遠民俗日
漓生事疾病葬祭之禮匕之糟粕尙不能舉專務諂媚妖祠淫
社士大夫子孫雖不能禁忍助之乎故叙俚語以示後之子孫
戒之記之昉謹誌

公每見鄉俗凡遇歲時祭祀不以誠敬爲本恐後之子孫亦爲習俗所移故書此以爲警耳上慎
旃哉

克修謹述

祠堂家訓

方正學先生曰立祠祀始遷祖月吉必謁拜歲以立春祀族人各以祖耐食而各以物來祭祭畢相率以齒而宴齒之最尊而有德者向南坐而訓族人曰凡爲吾祖之孫者敬父兄慈子弟和鄰里時祭祀力樹藝無胥欺也無胥訟也無犯國法也無虐細民也無博奕也無鬪爭也無學歌舞以蕩俗也無相攘竊奸侵以賊身也無鬻子也無大故不黜妻也勿爲奴隸以辱先也有一於此者生不齒於族死不入於祠皆應曰諾然後族人之文者以譜至登下一歲之生卒而書舉族人之臧否其有婚姻相調患難相恤善則勸惡則戒臨財能讓養親事長能孝而悌親姻鄉里能睦而順此其行之足書舉書之累有足書者死則

為之立傳於譜其有犯於前所訓者亦書之能改則削之久而
 愈甚則不削而書其名族人見必指雖貴賤貧富不敵而皆以
 屬稱喜必慶戚必弔死以其屬服無服者為之不肉而羣哭之
 羣祭之羣葬之不齒於族以不入於族也

是以規其也也無醫于也無大始不興妻也於其效驗以尋式也
 除其也無軒突也無關半也無舉相推以重奇也無味楚國其
 味滋里邦祭脈代樹楚無管棋也無香符也無此國將也無事
 齊蓋各向南坐而臨楚人曰此為吾師之氣香燻父足慈于後
 谷以脈脈食而谷以味來祭祭畢昧率以齒而宴齒之是尊而
 式五學次也曰立師脈也豈脈且吉以階其氣以立春脈楚人

師堂家傳




文敏公宗譜卷之一

舊譜總序

雪窓先生序

木有水有源物理之必然也是故徂徠之松新甫之栢松栢各有其本涇之水清渭之水濁涇渭各有其源物理若是矧人而不知所自出哉夫人稟五行之秀為萬物之靈有君臣父子之恩有尊卑長幼之序故必系之以姓表之以名上古聖人敦尚名教何如哉然名字表字一身姓氏系乎萬世此士族必有祖與宗也禮稱別子為祖繼別為宗繼禰者為小宗支延蔓奕綿七瓜瓞苟無譜書以紀之則後世之不昧於所出者幾希矣吾胡氏之先出於安定郡王永昌公之後至漢有諱廣者為國



名臣稱天下中庸歷數世至瞳者官寓宣徽生子學仕唐散騎
常侍由黃墩徙居星源清華是為始祖生子八人延簡延昇延

厚延暉延晞延樂延魯延照各居其所家於清華者延暉延晞

二公遷於城西胡村者延樂公也世次愈遠子孫愈衆而故家

文獻炳炳足徵者何良由先世德澤之深而然耳是故或以才

德顯或以文學鳴或以陰隲厚衣冠蟬聯富貴鱗集代不墜業

弗啻拔茅而連茹焉深為兒時嘗觀先公家譜既知大概今髮

種種未克繼志於是訪求數世未登名者草創成編遇猶子适

士縉雲亞尹考績於家博採諸宗互相參考輯為大譜詳字諱

註封爵序承嗣不誣不略殆與唐氏族志同一類也深謂斯譜

之傳豈徒為子孫之觀美正以為收宗睦族之文抑將合咸知

某爲親某爲疎某爲大宗某爲小宗某爲伯叔某爲昆弟秩然有禮油然而有恩昭然無郭氏拜汾陽墓之譏也嗚呼考其源而知千流萬派同此一源察其根而知千枝萬葉同此一根子孫之精神卽先祖之精神子孫之氣脉卽先祖之氣脉孰可昧而忘耶詩曰無念爾祖聿修厥德傳曰父作之子述之其在茲乎仁人孝子尙當有守於斯文建中靖國元年辛巳十月望日八葉孫雪窓遺老深拜書

樵隱先生序

人之所以別於禽獸者以有義也人惟其有義也必知我所自出之同焉而不爲異也宗族之義大矣尊卑相聚而後有以致其敬貧富相通而後有以致其愛冠婚賓客相慶而歡欣存焉


死喪病患相卹而哀矜存焉夫是之謂宗族之義吾故知其能
別於禽獸也自夫尊卑之不相聚也尊者不憐其卑而以傲卑
者不奉其尊而以悍尊卑黷亂譏罵訟爭交忿而不知反向之
敬變而悖矣自夫貧富之不相通也富者以財自侈而凌侮其
下貧者窘於衣食而疾視其上富者愈高貧者愈傲向之愛變
而狠矣冠婚賓客之不相慶則歡欣之心無乃以絕歟死喪病
患之不相卹則哀矜之心無乃以息歟至於親者反疎疎者反
親仇讐作而禮義滅皆由此之故也噫其不知義矣乎其何以
別於禽獸乎雖然禽獸尙有義也雞之在庭也鹿之在野也而
食則相呼鴻鴈之在川也猓然之在山也而動則相應亦可謂
知義矣矧以人而不如之乎胡氏之先自周封舜後媯滿於陳

是爲胡公其末浸大而西都之常東都之廣晉之威唐之証凡
顯載史傳者其流雖別其爲胡一也唐末巢寇之亂常侍公由
歙之黃墩來居清華是爲始祖今推而列之得十餘代孫矣人
衆浩繁闐溢里巷嗚呼可謂盛矣賢明敏秀溫文恭儉不可謂
無人矣而吾未以爲盛焉特恐其間不知義之所在而尊卑之
褻慢貧富之閒隔也冠婚死喪病患之不相往來而親踈之易
位也是數者之不能行而羣焉以游而廬焉以處安於不義而
靡焉成習敦厚消而風俗壞天理民彝淪胥顛倒而莫之救也
因獲舊圖而新之置之坐隅庶幾與吾同所自出者觀之深省
其故而崇親七之義宜敬者敬宜愛者愛宜歡欣而歡欣宜哀
矜而哀矜非惟足以俾吾宗族之睦將見一鄉而暨一國而天

下協和之氣薰蒸四達蘇氏曰民相與親睦者王道之始也誠知言矣吾宗其謹思焉篤行而無拂於斯焉乾道九年癸巳歲二月朔旦師言元瀧謹序

文宗先生序

東坡蘇氏有言曰良民之家士大夫之族未必無孝悌相親之心有族無宗子莫爲之糾率余嘗載誦斯言信古人用意之深也一族之中愈傳而愈遠彌久而彌繁欲其相屬以相愛而翕然於和順輯睦之域誠難矣而况井田之法廢比閭黨族相賙相慶相養相卹之風掃地致有同里而或昧其親疎異鄉而莫識其面目問行位於閒濶之餘叩源流於剏見之日不美甚矣是宜蘇氏深悼有族無宗之爲弊也雖然族之有宗在今日爲



難行而圖述譜系余謂亦庶幾於此者吾族自常侍公而出殆
十有餘世可謂愈傳而愈遠彌久而彌繁矣樵隱兄患族叙之
不明而親睦之道熄遂畫爲圖揭之家庭使尊者見之而盡爲
尊之道卑者見之而安卑者之分親者益篤其歡欣踈者無忘
其敬肅厥功豈不茂哉旣而文靖兄又恐或有遺忘即圖而詳
註之易爲文冊以便覽閱美矣三兄之志也余平昔於輯睦宗
黨之道實深致念於是覩三兄之圖冊油然而有當於吾心敬襲
成規編爲方冊其所紀錄益加詳悉由今以往非特使予若子
若孫者覽圖以知其序辨分以成其和而舉族之中觀者皆知
所自警將見歡然有相愛之恩粲然有相接之文而乖爭凌戾
泯矣余之素志必至是始無憾焉嘉泰四年甲子十一月旣望

文宗潮再拜謹書

濟鼎先生序

族有譜家有序禮有常經吾家自銀青常侍公由關中而居歙墓安里之洋峩唐末以來迄今四百餘載誥命存焉世代不爲不遠子孫不爲不衆名分截然者蓋有譜也清白之傳有自來矣常侍公後有八子居閩居浙居江左居鄱之故縣祁之貴溪他郡未及見聞者不一惟六公九公世居清華枝葉繁盛至子孫十五世矣二公之後有遷鄱陽之石鎮宣州之石門康山之伏水鴈蕩之銀村江陰之蕪錫石硯之胡村迴峰之曉庄及居田里甚衆尤繁先輩皆以儒顯歷仕者多或留文翰或登史籍匪可枚舉余讀父書媿不能文切聞先賢所謂爲善最樂之訓

其說豈易言哉善樂二字其味深遠斯樂也匪金石絲竹子女
玉帛之樂乃道統之樂也能察斯樂何往而非樂道之要凡人
秉性宜溫處事宜詳居官宜謹賦稅宜先事君以忠事親以孝
事上以敬御下以寬處鄉以和立身以正夫婦以別長幼以序
治家以法訓子以方與友以信親匕以義接人以禮待物以恕
所云者皆由樂善中出如此而枝葉不繁盛者未之有也吾宗
先世以來舍樂善而尙智勢者間有一二雖能佈一時之威福
而子孫鮮有能繼紹之者甚至於天絕而無傳焉耳聞目擊歷
歷可考由是而知樂善之驗已有徵矣今族之英俊繁盛衣冠
文物駸匕可掬皆由取樂善而忘智勢尙儒雅而黜浮華斯驗
也實由樂善而然耳冀吾宗賢子弟各宜自勵而儒業問道究

竟精微以需時舉將見枝葉益繁人文益盛由此而光大門閭
榮耀先世爲善最樂之義豈負我哉吾宗族大繁茂尊尊幼幼
無效他俗以富貴膏粱自處禮有典家有序少長秩然昭人耳
目不亦偉哉茲有年前輩尊長編序固多吾父得雲翁亦嘗序
焉余不敏悉遵訓每以平正持身因觀東平王爲善最樂之說
敬廣其意書諸譜後以戒吾之子孫并爲族之俊彥者勉幸毋
以吾言爲贅德祐元年乙亥歲仲春月十世孫濟鼎驪百拜謹
書

此篇舊譜原編得雲先生序後今因檢德祐係宋年號故誤
改編元至元各序文之前後來續修宜照原編仍在得雲先
生序後

定菴先生序

明道先生以管攝人心收宗族厚風俗使人不忘本須是譜系
蓋宗子法立則子孫百世宗之自然昭穆明長幼序上下聯屬
而不亂宗法廢孰主張是孰綱維是幸譜牒存則隱然宗法寓
乎其間人心亦足以管攝矣否則各親其親各子其子其知源
委之所自出乎聖人制爲五服上自高祖下至元孫因人情而
品節之上焉者盡仁而尊上其服有五下焉者盡義以惠下其
服有五曰上焉服有五者自吾身而推所尊曰禰曰祖曰曾曰
高斯爲五也曰下焉服有五者自吾身而推其惠曰子曰孫曰
曾曰元斯爲五也仁義盡則服屬竭至吾子孫所以尊上所以
惠下同此一初則同此一天昭穆祧遷相爲聯屬子生孫孫生

子無間然也自五服後有從父從祖焉又遠而爲族祖焉派日
遠而尊卑次序以譜籍存而名斯存矣夫名之存所以存乎祖
也昔陶淵明贈長沙公族祖云同流分派人易世踈慨然寤嘆
念茲厥初老泉族譜引以自始而衰而至於無服其初只一人
也吁果念厥初知自一人而蕃衍盛大以至於今日始終相聯
又何計乎服之遠近南史王懿傳云比人重同姓謂之骨肉顧
之推家訓凡宗族自從祖族祖之外高秩者通稱爲尊同昭穆
者百世猶兄弟也河北士人二三十世稱從伯從叔今吾族自
常侍公以前失其傳自常侍公至升十世而近自升而下又四
五世矣以常侍宣歙節度討擊使兼殿中侍御史誥考之乃唐
光啟三年丁未八月也初誥不存惟自光啟至天祐三年丙寅

凡二千年而爲梁自梁開平元年丁卯至周恭帝顯德六年己未五代凡五十三年而爲宋建隆元年庚申越五庚申而至於丁丑凡三百一十七年則自唐至今通爲三百九十一年矣嗚呼世道有升降人民有興替每展譜籍考其時感傷泣下幸吾宗聚族數千指四民各居其業衣冠儒業最衆其間事力不齊貧富相卹固所當然苟不能之亦各分其分可也乃或恃其富力則虐其族雖親未盡而不顧甚可惜也宜乎樵隱先生謂不如禽獸之知義當時議者亦謂貶駁太過蓋以禽獸視族黨則亦何以原其初吁先生察於事幾之先嘆夫時世之弊欲救之而不可得必極言之信斯立言之難也樵隱此序作於乾道癸巳今又百年矣吾不知今日之族何如也吁吾遽數之不能以

終其物悉數之則重遺族黨醜非升所安昔王導流涕於周顛
曰伯仁由我而死二三十年來何伯仁之多也有適伊川見被
髮而野祭嘆不百年而爲戎今吾鄉所行何止乎被髮野祭蓋
自惻隱之心亡則羞惡辭讓是非之心皆亡矣又緣鄉曲老成
澌盡無能以善相資每務以惡相濟朋家作仇商後王用以亡
今鄉閭匹夫敢於若此人窮畀昊吾恐影響之不虛也升偶得
舊譜托宗一兄端禮孫重禧九六兄端復嗣增修善必書而惡
不書使覽者自悟書用識哉欲並生哉有虞聖人之教人欲人
知媿耻而順受其正不致卒爲小人之歸庶幾薄俗亦足以轉
移實升區區之深幸樵隱十數伯文宗萬十三伯文靖念一伯
三序仍冠篇首其間永興公一派乃毗陵胡大卿家譜所載且

謂同出常侍姑并錄之俟博洽者考焉升舊修星源誌載鄉長者汪廷美義居及邑居張氏遜產事皆可爲法若石城橫浦爲賴爲鐘真禽獸之不若又當因之而內自省戒之哉至元十四年丁丑四月望日嗣孫升百拜謹書

良駿先生序說

古者諸侯年表卿大夫世家綿延史牒得百世而不泯者蓋賴譜系之存而其族人相與爲服死喪冠娶之必告而不絕焉耳隋唐以後仕者不世紀序失傳而譜遂大廢矣胡氏出於有虞而蔓延於天下自唐散騎常侍繇欵之黃墩徙居清華其後掇危科歷膺仕者常接武歲時蜡祭必盡其歡欣浹洽之情死喪必赴冠婚必告孤者字之貧者給之而不然者必相與諄之亦

清華古史公傳公宗詞卷之一
恃譜系之素存而扶楹之云爾世降風移而譜叙大壞鄉之長
上雖能道其尊卑等序貧而少者不能知富而有力堪於應訓
者不暇自知自是而後禮法浸微其親盡而無服者固易於喜
不慶憂不弔至於功服之親亦相視如塗之人於戲惜哉

良駿

嘗考之譜牒稽之耆舊又書服制圖於宗譜之前使觀譜者油
然興孝悌之心情見於親也見於服自衰至於總麻至於無服
之親皆知夫世之所自出猶枝葉之有本根庶乎尊也親也無
乖爭凌犯之俗而爲善人君子之歸使家臯陶而人稷契而名
登史牒者實吾宗之榮也至元二十九年壬辰歲清明日十三
世孫

良駿

百拜謹書

壺山先生序

譜系不可無也唐人詩曰昭昭昭穆在百世又何踈戶曉應難
及作圖爲細書蓋謂譜系之不可無也歐陽六一翁曰川流派
別當知同源人代散殊當知同祖知同源必不笑鹹淡清濁之
異知同祖則不效秦越魯杞之爲然非圖籍以紀恐歷世漸遙
無可爲証安識須句之本於風也安識晉公子之本諸姬也是
亦謂譜系之不可無也司馬溫公作宗派記中曰昔有問蓼莪
之所自出懵然不知所對人謂諸吳罔記爲周之裔宜乎取臯
陶庭堅不祀之譏又有成季之昭宣孟之穆至若五世而不相
慶弔人謂異乎郊子篤少皞之親且無言稱先職之美吾鑒斯
弊遂作宗派一圖揭諸中堂以示諸後進輩復楷書百餘冊凡
我族屬各送其一庶朝夕披覽可以起其敦族之誼不以服屬

疎遠間而從尋斧焉者因知所懼可以厚流俗之一端是亦謂譜系之不可無也吾宗安定始自常侍常侍以前茫不可考常侍八子六處四方比閩而居者六公九公之兩枝傳流至今可謂繁衍前乎諸尊曾有譜系曾有記文歲復一歲方來源源未嘗有續筆記之者我修存兄講學之餘注意及此新裝圖冊極爲詳備又書服制以曉未聞使族之尊少興親匕以睦之念無相顧如陌上之人即司馬公厚流俗之美事使他族之人如修存之用心有補於風化者不旣多乎至元壬辰夏五月蒲節壺

山介端拜謹書

得雲先生序

族譜何爲而作也所以序昭穆紀絕續也夫序昭穆則尊卑之

分明紀絕續則善惡之理著皆足以維世教也蓋自天生蒸民有物有則民之秉彝好是懿德性初曷嘗不善亦何嘗不知所以尊尊親親也特氣稟拘之物欲蔽之世日降俗日漓於是權謀術數之習尙乖爭凌犯之風行不能不失尊卑之序而有善惡之區別矣然則族譜之作庸可已乎胡氏之先出於虞帝而蔓延於天下漢之廣唐之威或以高爵顯或以清操稱其載在史冊類班班可考也迨乎唐光啟間常侍光祿公出以功名奮由歛之黃墩宅於清華者至今歷四百載方十餘世更唐及五季五季及宋中間興替不一而子孫之家於清華者自若也歲時叙會吉凶慶弔森匕有序彬匕有文冠蓋相望先後如一日噫亦可謂盛矣抑豈非常侍公種德有自來歟然源深者流必

長根盛者葉必茂理固然也不沃其源則流有時而息不培其

根則葉有時而悴凡為吾胡氏子孫者宜思所以愈沃其源愈

培其根矣然則族譜之作庸可以泛觀乎 天瑞 敬閱 修存 所著

族譜校之舊本既詳益密其於序昭穆紀絕續亦庶乎其可以

維世教矣將使後之人觀之必曰某也尊某也卑某也善某也

惡某也天某也壽某也窮某也達噫其有所感也夫至元壬辰

長至日得雲 天瑞 百拜謹書

雙湖先生序

常州胡大卿譜永昌公族有自來矣以安定郡稱者其後也河

南郡則否唐散騎常侍由黃墩徙居清華子男八人支分散處

寄居列郡各自為宗太平興國且舉進士第一始以大名顯於

世如宿宗愈宗回安國寅宏曾銓冠蓋相望由是族於東南爲
最盛家於清華者六公九公遷於城西胡村者十一公傳世十
五六歷年四百餘矣以文章擢科第以武功佐王業滄沆漉濟
風雲亦皆接踵爲子若孫者正宜繩祖武以光前列奈何風氣
寢薄習俗易移名分雖存孝敬幾失貧富不相有貴賤不相恤
忌嫉心生而藩籬見於一家凌犯風起而干戈起於同室甚至
遠者疎者力強以搏口給以詈且諉曰無服矣情盡親盡矣老
泉所謂塗人也何不思之甚耶若然則高祖以上墳塋可墟也
松楸可童也於以起夫人之不肖貪豪勢之利舉先人之骨委
棄鬻其地不顧也吁彼以力奪而受者殆不思後人之復後也
自吾身而降亦不過四世而斬矣子夏之四海兄弟橫渠之民

胞吾與語意爲何如且蘇氏族譜之作正悲夫世易而遠以踈也又諷時人之望者倚勢而敗壞風俗也且先王喪服之制由衰至總者五所謂服者衣服也服不徒設也古人壽多百歲覲吾之一身上以服高祖之服下以授元孫之服生而榮死而戚庶幾乎盛觀也夫豈忍斥高元之外爲無服而以塗人視之哉范文正公語其子孫曰吳中宗族甚衆於吾固有親踈自吾祖宗言之均是子孫無親踈也一桂爲常侍十一世孫道窮而無知已用家貧而無儋石儲難爲疏廣之散金難爲張道之同爨然孝友愛敬之心本於天性常語人曰聚族而居一方如祖孫之同居一室長幼當相衛如手足之護腹心小大當相依如枝葉之庇根本善相告過相規生相慶死相弔豈待杯酒相酬酢

貨財通有無而後爲輯睦哉士農工商各司其業各愛其身必
修身齊家以亢其宗無悖理亂常以辱其先是爲族之善良也
人必相與愛敬之倘自矜自伐而亡禮義自棄自暴而亡廉耻
是爲族之兇惡也人必相與嗤笑之吾憾不速斯人之遷善也
噫族大且繁實不可以一律齊猶幸譜籍之存才能藝術貴賤
善惡各隨所見聞直以各書無隱示勸懲垂世教非徒爲觀美
也大德元年丁酉歲中秋日一桂百拜謹書

玉林先生序

譜籍不存而不知有宗者固有之矣譜籍存而不知有宗者吾
恨焉漢高祖入沛以帛書與父老子弟翕然從之司馬相如使
蜀只移書喻父老而已古之人其知重本也如此吾宗世爲右

族昔者比屋絃歌耻不識字稽之簡籍可慕可欽宜衣冠之盛
文獻之足觀也二十年來陵谷迭遷苟齟齬間不聆父師之誨
者雖自知其皆爲常侍雲仍而昭穆之序莫之定愛敬之心無
從生本安在哉吁其孰能救之哉丙子先廬燬於兵譜籍與之
俱燼間得殘編而字畫謾刻不便披覽斷續失次莫推所宗葺
而完之世榮輩責也膠擾世氛實負此以至元壬辰姪孫良駿
讀禮之暇乃雅意及此按定菴叔父所藏增搜博採枝葉不遺
半年書成秩然昭穆其知本矣夫世榮今又釐爲十一卷庶便
觀覽而紀方來他日自十一而克之燈七相續吾宗必有知本
者幸甚不一書紀以傳無窮於戲胡氏之先源流深長歷世旣
遠枝分派別其繁衍盛大散居宇內者不免各自爲宗吾鄉之

譜其祖始常侍故譜以清華繫焉非自狹也雖然清華之族大以稠常侍八子今譜之可傳裔之可錄者六公九公十一公其他莫之考焉矧六公九公十一公之後或以仕或以賈或因贅壻或傍人門戶衣食利名之故東西南北而家者十之六七雖按圖而知其初遷之祖無所憑而紀其綿七之裔惜哉想若孫若元貧賤富貴之不齊其間重本敬先讀書知義者必曰吾世居清華鼻祖常侍莫泝其源莫昭吾孝抱此恨者多矣天福吾宗畀之竒逢相與討論而嗣書之宗枝日盛顧不幸歟編是書旣成世榮齋沐再拜於祖曰常侍公流慶至今十有六七世矣或以科名顯或以介胄揚或發身於籌邊或就徵於帛布簪笏璀璨代不乏人世榮不肖似白髮種種迄無一事可報父師之

清華古兵公傳公言卷之一
期不成一事可爲後進之式上負高曾俯仰百媿冀吾宗賢子
弟素衡父師教誨者閱是集讀前輩之文知所本知所宗而後
知愛吾身復吾家聲自安於士農工賈之業自處於孝悌慈友
之鄉黽勉自修人倫之厚有期矣將見本大而枝益繁羊存而
禮可續春日載陽惠風和暢父老子弟相率拜常侍公墓下觀
者必曰胡家居清華四百餘載矣其殆庶乎勉旃勉旃大德二
年歲在戊戌四月旣望十一世孫世榮端拜謹書

奉訓大夫序

吾宗之源世居關中迨銀青光祿大夫以討逆巢復長安功詔
加授御史中丞宣歙節度討擊使新安郡開國功臣贈父瞳金
紫光祿大夫浙西節度使賚殊勲也愚按唐紀光啟之際吾銀

青常侍公率謝瞳說朱全忠歸正協李克用舉義旗於河東勸
錢武穆討平董昌而併越唐室僨以復康公實與有力焉然亦
公之忠貞素志所蓄以著勲庸而史官逸其詳耳及藩鎮跋扈
公以功成身退致仕南歸觀清華山川爰宅於茲置菟裘於里
之洋峩爲百世子孫燕翼貽謀旣深且遠在昔里閭相望室居
華盛冠蓋如雲絃歌比屋顯於朝臺光於四方者蓋林岷而總
總也郡志載新安望族八吾宗居其一文華典禮視諸他族良
可知矣至正壬辰淮右蜂起蔓延郡邑寇掠歛饒官兵討而復
聚者數吾里鞠爲邱墟敵境廬第燬於兵燹文物殞於鋒鏑蒿
萊滿目黍離興歎世變風移綱淪法斲劫於奸宄者並與相視
如塗之人者非鮮視昔禮樂儀型蓋霄壤砮砮嘉玉之殊矣惟

期有秉彝好德存守祖訓壽詩禮簪纓之澤以自樹立奮揚匡
維緒業而緝熙前烈者間見迭出以棟梁而羽翼之也且如洋
峩塋域公遺命薄塋不封不樹墓而不墳與岡隴同體不藏金
玉不植翁仲不環墻垣不立豐碑以絕後世窺覷之覬誠識具
於幾先而慮周於事後抑予嘗思之自我常侍公傳至吾儕五
六百載後之吾宗若子若孫曰雲曰仍傳之百世千世嗣守祖
宗訓澤勿較枝派親疎勿訾家資厚薄勿以房分衆寡勿計貴
賤崇卑胥誥訓胥保惠胥教誨忠君孝親睦於閨門和於鄉里
毋胥戕毋胥虐守望相助疾病相扶持興禮樂事詩書漸磨乎
仁義之道輝耀乎名利之場如九江陳氏之同居金華鄭義門
之累朝旌賞繩其祖武有光厥初不亦美歟不亦盛歟書曰以

親九族詩曰永言孝思孝思維則後進勉旃戒旃惟克永世洪武己巳奉訓大夫知山南西道永寧郡事十六葉孫道存謹書

縣主朱公序

胡氏作統宗譜胡生庭楹執幣謁余徵言垂教余讀易曰萃王假有廟古先聖人懼祖考之精神既散而立之廟以聚之然所以聚渙者豈惟祭乎祖考先祚莫非祖考之精神派牘枝繁至於墳墓之莫族也兄弟之莫聯也繫世之莫奠昭穆之莫辨也其爲渙也甚矣其當萃也甚矣譜也者補也所以原其初之所自來而補其後之所未載者於是而族墳墓於是而聯兄弟於是而奠繫世於是而辨昭穆合千萬人而知其本於一人其萃渙孰有大焉者乎粵稽胡氏之望於新安也在唐有

諱

瞳者以

征伐保障爵至金紫光祿大夫左僕射震器諱學勦滅巢寇累

爵銀青光祿大夫御史中丞生子八人今徽池江淞諸郡之胡

氏多為其後而婺源之清華則世其居者也生齒之繁無慮萬

指而簪纓之聯蟬文物之奕葉江南莫伍僕射常侍以忠貞食

報如是思所以繩其武者有若干人則常侍有後而胡族益大

宜其有統宗譜之作也雖然為世既遠而統宗之譜自今作之

得無有郭氏之妄認者乎得無有季氏之冒魯公族者乎得無

有蹠氏而移為惠孫者乎得無有范氏而不改其來姓者乎苟

有如余之所謂則非信譜而墳墓之族反異之矣兄弟之聯反

踈之矣繫世之奠昭穆之辨反紊之亂之矣又奚貴於譜之作

乎則其所以重宗祖者適所以誣之而不孝之罪莫追矣胡氏

其戒之哉胡生曰吾之所作正先生之所慮者也非吾宗者雖
貴勢不敢援爲吾宗者雖貧賤不敢棄覈之必實而審之必真
亦求所以免乎不孝矣余又進胡生而語之曰有以正其宗當
思有以亢其宗然宗之亢也豈必紆朱曳紫標白陳紅也哉爲
子而孝爲臣而忠爲弟而順爲父而慈長有述焉少有禮焉內
外有別焉而無棄基闕墻德鋤諱簪之愆焉則收大家故族之
譽而宗斯亢矣子其歸以語子之族哉遂書以貽之賜進士第
太子太保工部尚書資德大夫正治上卿食正一品俸侍經筵
南京刑部尚書兼都察院左右副都御史兩奉勅總理經理漕
運河道吏部左右侍郎都察院副都御史提督福建學政前婺
源縣知縣朱衡書

清華古史公集卷之一
用賓先生序

譜之作其弗可已乎曷爲弗可已也一本也今夫四海之廣厥
初弗過數十姓也數十姓之初弗過數人也數人之先一人也
故仁者以天地萬物爲一體猶曰民吾同胞噫况分生別姓之
始其命德授氏之同者乎又况近自唐宋派系徵譜牒所本尤
精實而非愛汎分殊者乎予祖唐銀青公戡定東南之寇亂蔽
全天下之大半開新安之男爵卜清華之隩區凡子八人奠故
居者有之宅嘉土者有之肇他邦者有之年歷七百之多生育
衍茂幾於億萬指之繁然其始本於祖之一身也夫人於其身
疾在一肢也則貌爲之悴而心憔悴乎其弗寧獨不思夫族之人
原於一人則皆吾身也廼不以兼所愛者愛之邈乎若秦越之

不相聞以盛炎驕衰薄以文藝矜椎魯以才智凌暗劣相伎相
軋相毀相傾相仇相殘之無已不猶以手足而相戕刺以目視
耳聽交競其能者乎且人過先祖之墓必惻然其中語及其遺
事未有不感嘆者非偶然也有所受之也至於身先祖之身以
爲身者顧謂其遼濶睽遠而無保感之念是大傷厥祖之心也
故曰知有其身而不知其身之所自出謂之忘知奉其身而不
恤吾身之所同出謂之悖是二者形雖人而其身物化也以矣
此譜不可以不作也譜之作正以明一本而啟真切之良也譜
其重矣哉雖然仁者人也生理不息者也則夫尊祖以廣睦固
天命弗容自己者而奚資於譜也曰不然昔聖人立民義以參
贊化育則存宗法之大端以收萬民之心而使之萃於一是法

也爲百世不遷之大宗者百世宗之爲五世則遷之小宗者五世宗之宗其身則必由其憲而受命爲宗子故文字省而天下莫不曉然知一本之親三代以降宗法廢而天下無世家於是漢有氏族篇魏有州郡狀晉有撰譜官唐有姓系錄宋有姓氏苑或以論選舉或以問婚媾雖其沿襲之陋要皆所以存宗法之遺也故譜不錄則懵於本初擬其生道而統同之愛斷矣譜其可忽乎哉胡之統譜訂於宋資政殿大學士仁昉公之筆公銀青六世孫也自後雪窓修於靖國正臣存於兵燬樵隱文靖之編摩文宗壺山之撰次定菴玉林得雲玉溪諸先生之攷搜亦詳矣迨我朝支譜雖明統系頗逸清華澹濟諸君承先德謀重彙焉適予以勸駕試春官歸以是抵余余拜手曰茲仁孝之

用心也書告同族罔弗祇趨嘉會蓋聲應氣求天同神比其機
如此至於雙湖之允藏魄之邱讀易之地尙能世之固天植其
脉也越明年秋間圖成披閱之燦乎數十派若比一堂曠乎數
十世之未易盼嚮者會於一息於此而興一體之仁將有心公
藝文正之心而事其事者雖殊方異土亦必通訊以浹情觀摩
以迪善而不能自己譜豈特文具者耶或曰宋學士譜自軒轅
而顛頊而帝舜安定望咸陽之始公滿啟受氏之始宜興宰基
江南之始姑熟守拓欵州之始世有卒塋各位舊以之爲前編
然則銀青公祖禰而上獨非一本而可恣然弗思歟由漢及唐
置合史以掌天下之譜立歲修代修之法焉至五季始廢官罷
局譜學於國家不久矣其傳有自其徵可書烏容疑也曰誠立

天地人物之本一者誠也不誠則誣亂孽風獺家藏鮮不歸諸
虐罔先正固嚴覈恐未免一二之牽合也故藻潭公集予輩以
薦菊會響止常侍公祠今棠陰公亦惟以舊貫列前編庶其果
吾祖者既不至於見遺而其所可疑者亦不得汨吾有生之理
昔吳寧之杜氏越千餘歲而宗漢之延年識者猶以僞哂之而
歐蘇之上譜四世韓魏公之上譜五世我朝方公希古之不祖
帝榆君子謂其知本焉茲譜也前編原始也畧其所可略也譬
之河之自龍門溯積石難紀也正編合族也詳其所可詳也譬
之河之自龍門而下易稽也疑故略信故詳立誠之道至一本
之仁得矣清華委和之地實六公九公孫子孕毓之都近自吾
婆歛休祁黠遠至饒鄱流芳又遠至兩浙淮揚派遷閔懋十一

公始居仁壽坊繼而考相州西今玉川石規平樂鳳源濕田太
平州建德鄉皆近派也大公基分長壽坊侍祖保障祁門世居
福州今孚溪澣溪庸溪皆大公長子瑤之後祁之故縣則大公
次子瑤之裔孫也池之石埭銀村青陽祁之貴口清源則十三
公慶五公子文富之後樂邑之清溪祁之大梨則二公崇十三
公慶之裔孫也若夫祁之貴溪則金紫瞳公四子曰寧公所遷
考水之龍井則瞳公十三子曰三公所遷

之孫珍公之
子此恐有悞

考新安氏族志及祁與澣汀舊譜
其遷考水龍井曰三公者乃瞳公


數百年間譜牒不相聯者有合族之親無合族之人故爾茲能
合夫一者雖仗清華宗長良乾等旁搜遠採之力亦祖德源深
陰牖默喻之所致也豈偶然乎哉事竣敢以作之之意弁諸篇

端明嘉靖辛亥歲六月吉日京闈進士二十七世孫龍峯用賓

晉卿頓首拜書

世英公序

甚哉譜系不可不明也無所昭於前斯無所明於後苟後之人而不知所以丕揚之則後之後者益不知祖功宗德之爲何如將并其所自出者而忘之矣夫豈祖宗之所以望於子孫之盛意乎英爲此懼凡祖宗之所自出子孫之所世守與夫從遷之由世德之昭莫不講求於蒙養之餘庶作之自我者有以昭諸其後俾百世而下爲子若孫者觀世系之由而知創於前者之有自繼於後者之有光也我胡氏自始祖常侍公而下子孫蕃衍遷派實多吾先世遷居和睦後居龍山繼而遷於洪源者圭



三公道真也今之居是者惟知有道真公而已抑孰知其溯而上之有所謂常侍公者乎是常侍公者清華之始遷祖也道真公者洪源之繼遷祖也溯流窮源今又得三四傳矣故吾父存日每慮譜牒世遐恐昭穆之失序倫次之弗明雖有修葺之心而莫能也迺歲嘉靖庚戌夏清華族叔祖鏊及浯潭翁諸君興尊祖敬宗之心爲重修統會之舉余以爲吾父平日之志克酬而又不能不爲之喜也於是訂名列派同登於統宗之譜謹序此以傳諸後嗣云嘉靖庚戌夏五月蒲旦廿二世孫世英百拜序

世顯公重修文敏公宗譜序

慨自譜牒之不修也久矣夫譜牒不修則彝倫弗叙世次弗明

甚非孝子順孫之所以光烈而垂憲也欲後子孫無忘先人之德澤焉不可得矣矧能要諸久而不息哉故自我祖常侍公徙居清華八子列處惟我九公及六公世世家之其功其德昭揭天地凡祖作於前者歷歷可考九公子二長曰繼寧公遷於長饒厥派宏懋次曰文敏公世處於斯嗣續綿衍或擇勝而他徙或隱德而從遷或商居樂土而生齒日繁或避難僻壤而世裔饒裕但統會之無由故雖親而亦踈安知其皆我文敏公之正派也景泰間族衆有修譜之舉而我九公派下不過紀其始遷之由而未詳其世次生忌墓娶之實我曾伯祖道存公雖嘗序譜亦未會各宗而一之以彰其尊卑秩倫之敘故我先君存日以爲爲子若孫者當知祖父之德澤繹思于心而不忘我九公

之墓吾得而築之祖墓之稅吾得而供之故守其墓供其稅雖
曰一事之微是亦繹思之不忘也夫何勢孤力隻思會集之無
由學淺識陋或編校之失序拳匕之志竟弗克遂卒使我曾伯
祖之盛志無有繼承之者今幸石泉雲衢諸彥輩述乃祖之攸
行舉重修之重典誠盛事也余亦喜先君之志未遂者始克凝
成道存公之序于前者有所紹述凡先世之登而未詳遺而未
登者至是始得合而一之也於是相與協志同修採各派之宗
支依原編之字號缺者補而畧者詳凡在同宗靡不畢集曷附
謬援者固不得乘間而入貧窮憂戚者亦不以其鄙猥而遺之
也是譜成固幸派系之能一矣而祖墓未修能不惕然於中乎
於是復與族之同志者倡協修葺則我先君未遂之志爲益遂

矣萬世而下觀其墓者思祖功視其譜者思祖德而不忘也謹

序嘉靖辛亥中秋日常侍二十世孫世顯百拜書

以上序文前譜以作文之人世次為序但譜系隨時增葺後必踵前則序文亦應以年分編次故今

據歷朝年代更定先後內有宋德祐元年乙亥濟鼎先生序在元至元壬辰壺山先生得雲先生兩

序之先計十有八年是以將濟鼎序易置於前而其序文中有父得雲翁嘗序之之語則得雲先生

序又當在先矣濟鼎序尾有說見前其他則均無疑義也或得雲濟鼎兩序年號岐誤亦未可知容

俟核正

國朝序文

文煒公重修延晞公譜序

嘗聞古語有曰譜牒一書五代一修七代一弔蓋以此譜

牒者所以辨親疎明貴賤順少長叙人倫也若世代久遠

而不纂修何以歷永久而不紊合遠近而有徵哉是由今

知昔由後知今相傳以垂於無窮洵惟五代一修七代一
弔爲良規耳我鼻祖學公卜居清華開基立業迄今文人
代出綽有休聲爲婺邑之望族嘖七明徵矣二世祖延晞
公繼之德澤深厚歷世二十有五族大人繁居址難紀其
名如日月之在天無往而非日月之照臨也如崑崙之分
枝無處而非崑崙之發脉也莫爲統之其曷由枝達幹知
萬派之各有宗莫爲序之其曷近述遠稽知羣倫之有所
自杜妄附之嫌免淹沒之失要唯修舉其勿替乎舊歲秋
月士著先生倡率其議來會我族諸公諸公靡不奮然續
輯獨我延晞公千枝萬派星渙殆甚而在清華祖基綿守
世澤者十只一二焉維時荷衆不鄙相邀於予予素有是

志而未果也後以其意傳達近處幸外地亦有同志者焉
噫譜牒前修於嘉靖之末經今已久正宜統集修明然時
經鼎革兵火靡寧或有有其心而無其力者或有遷居
漸遠而罔能遽達者欲如前之窮流尋源遐邇靡遺其何
能哉亦曰唯與知者道俾各處有賢子文孫不忘水木之
懷者以續其序次於後俾後之顯達繼志知所述云

皇清康熙庚申歲常侍公念六世孫文煒百拜序

縣主胡公序

婺之地山高而土隘故其民儉婺之俗敦本而尚族故其
風古自紫陽篤生而後家絃戶誦民儉而知禮聚族以
處者皆有親比之遺意焉余自己卯初夏奉

命來尹茲土與其民相服習者有年喜其儉不流於褊嗇且尊
祖以敬宗敬宗以收族仁不遺親者尙比匕而是以爲
紫陽桑梓之遺澤至今猶未盡泯矣然案牘盈庭或以聯
宗合族致雀角鼠牙者亦間有之是不遺親者抑求親而
反踈也斯豈山高土隘所謂陵氣多犯在所不免歟推其
故良以篤原本者必廣蒐羅而欲混而同之必致聚而訟
之此合之以滋爭不如分之之無弊也我胡之受氏肇於
陳胡公滿而婺之族其發祥則自唐之常侍學公振匕綿
匕遷徙如星羅某置迄今散處外郡邑者其家乘紀載悉
以婺爲宗自蒞治以來輜軒所至見纂修之局不一而足
余初竊怪之謂流雖異源則同何分門別戶不相統一如

此也。迨求親反踈者，囂然於庭，始知統一之難，分之猶愈於合矣。時常侍後裔有建局於洪源者，孝廉張子培風實司載筆之任。閱明年書成，其族人乃介張子請序於余。余於簿書之暇，詳加播閱，見原原本本，張子已言之周且悉。第考其相與纘輯者，內外郡邑亦實繁有徒，然皆常侍支孫曰文敏之胄，溯源澄流，信者筆之，疑者闕之，其餘概不濫及。且其義例謹嚴，考核明晰，體裁誌載又簡而能該，秩然有條，而有理。雖分門別戶，纂修者林立，而信今傳後，茲更爲盡善無弊矣。余重張子之請，且嘉其任事者不強合以滋爭，深得乎親比之遺意，爲駢數言於簡首，倘有博採旁搜，君謨蔡京混而同之，以示統會，猶訾此乘爲彘也者。

命來

乎吾寧棄彼而取此

昔

龍飛乾隆二十七年歲在壬午後五月中澣之吉

特授文林郎知江南徽州府婺源縣事加五級紀錄七次錦江

胡玉瑚撰

張培風先生緝文敏公宗譜序

天之經緯交錯也有辰以維之水之脈絡分支也有源以
統之人之胼枝岐出也同根而異幹一本者萬殊何以聯
之使歸根返本也曰宗法廢而譜作譜其特重矣顧譜之
言普也合宗收族能普而後爲譜然地隔情踈或存亡莫
考又向背各殊普故難矣譜其遂可以已乎古人云三世

不修譜謂之不孝是支譜之作變而不失其常乃蘇氏詳
吾所自出可知者續之不可知者缺之之遺意耳自世降
俗漓宗盟不篤式微之胄同源不錄烜赫之族非類亦收
崇韜拜墓之妄彭和附京之愚在在不免而諸胡帶合其
事尤足異焉清華胡氏星源望族也其得姓自陳胡公始
昔人已詳言之迨肇基清華則自李唐常侍學公勲功闕
閱彪炳當時有子八人紆青拖紫列處四坊而簪纓甲第
又代濟其美後或擇地選勝轉徙不一惟四子六公與五
子九公莫居祖宅九公名延晞官評事子二人長曰繼寧
遷於長饒次日文敏生子四世家舊地閱十數傳子姓蕃
衍亦十宅嘉土分遷內外郡邑者不下數十百區焉歲庚

辰六公裔續修其支乘鼎分數局繼寧之長饒遂以繼起
文敏而下篤原本者思澄其源滙其流奈流分派別無能
合一因亦集其本支重加纂輯其冠以清華不忘本也溯
自常侍尊所始也沿於延晞歸於文敏詳吾所自出也瓜
瓞綿亾雖同一脈來則繫之背則略焉所謂可知者續之
不可知者畧之也或曰蘇氏之說荆公譏焉奚復宗之曰
此誠未盡善矣然如荆公捕風捉影之云將以僞亂真胡
可訓也春秋不有郭公夏五乎或又曰舊編善惡備載使
人知所勸懲今善則贊之傳之惡絕無聞焉曷故曰公好
公惡昔人可以彰直筆今愛憎難憑強弱異勢毋寧揚善
而隱惡亦善善長惡惡短意也於是倣舊牒之善規增叅

詳之新例肩其任者啟棠士曦啟枝時嘉煥耀仁遐諸君
矢公矢慎深懼貽帶令之譏真者必錄僞者必拒不漏不
誣欲可以信今可以傳後其蒐羅雖未廣其體制亦略備
矣時支派之雲集者則有若梓源大源卑源天井源賀家
邊黃沙下村此文敏冢嗣曰珍之裔也有若洪源今建局
地也洋峩上門常侍之域畔也清華祖家也有若金源香
田城北曉源皆文敏次子曰霆之後也早口痕頭前坦則
文敏四子曰倫之派也此星羅棊置皆桑梓近地者他如
廣信之貴溪古歙之高山唐林广李黃塘佛嶺東川金竹
嶺如淳安之雲濛源郎角塘胡村畝遂安之後嶺東亭新
場畝浮梁之都頭高嶺鄱陽之上嶺塢或出於珍或原於

靈或本於倫悉遠界封疆咸聞風至止敬宗睦族之思何
本無間遠近哉其餘根同而地隔遠莫克致本一而情殊雖
近亦遙者尙不勝屈指然親比之誼諒有同心今即離之
終或合焉未可知也姑不妨以俟諸異日辛巳之秋胡君

蔭南

敬棠

日秀

士曦

介余於別館付以珥筆之任且囑之

序余於搢觚家無能爲役聊稽之先輩叅以管窺詳加校
正因撮其大略弁於簡首使後之嗣而修者得以覽其要

焉

皆

皇清乾隆二十有七年歲在壬午蒲月上浣年家眷教弟培風

張圖南拜書於洪源之明志軒

啟棠公續修文敏公宗譜序

皇朝
昔程子有言宗法廢譜牒尙有遺風譜牒廢則人家不知
來處蓋言譜之爲義甚重凡爲人孫子者不可視爲緩圖
也然吾竊惟譜之爲義固重而修譜者尤必矢公矢慎無
徇私之見無冒紊之弊而後譜牒可傳於永久粵稽我胡
氏統譜自宋學士仁昉公創修而後雖繼修者代不乏人
然世遷鼎革不無兵燹鼠殄殘缺失次之虞至明嘉靖庚
戌太僕卿用賓公統會續集我祖世英公爲之贊理後萬
歷丁巳又有復行修緝者按部核實與庚戌之修不符迨
本朝康熙庚申清華宗達因統會之難緝修二世祖延晞公
世系寫譜十本雖世次分明然往往踈而不核簡而不該

惟太僕公庚戌之編筆削嚴正考覈精詳乃無遺憾焉舊
歲庚辰凡我宗人咸知統會維艱各開支局以俟後之君
子繼寧公我延晞公冢嗣也已開局於長饒我文敏公則
延晞公之仲子派衍支蕃分居郡邑者如星羅碁布苟無
譜以聯之將世遠人湮其何以收宗而睦族於是僉議開
局於本里養元堂而以大任委責於棠棠自愧樗材蚊力
難以勝任然各派既同心協理則棠又安敢辭其勞爰搜
舊譜遺墨叅互考訂是吾宗者雖寒微必收非吾族者即
貴顯不錄不敢徇私以僨事不敢冒紊以亂宗殫精竭慮
銳意編摩仍請鄉達培風張先生主宰其間凡規模條式
悉自先生手正經一寒暑方得告竣雖不敢謂今日之修

聿能光昭前烈然荷各派協理之力願同公慎以成信譜
傳諸永久倘後有肖子賢孫起而統會繼集則展卷之下
見淵源之有自真偽之不混當必鑒棠苦心而畧其謏陋
也是為序

皆

皇清乾隆二十有七年歲次壬午孟夏月吉日常侍公二十八

世孫啟棠百拜謨

又跋

譜牒之修至今日而愈難矣昔人之為是舉者必德位兼
隆乃能源澈流清敬宗收族如我學士仁昉公與太僕用
賓公等之續修是也迨

本朝康熙庚申之蒐輯則較前代而稍遜焉然此時人猶近古雖不能統會其全若我延晞公下近居桑梓者猶合一以成支乘今則不然矣舊歲洋峩墓祠會集衆派議照庚申之舊而恢宏張大之因長饒派繼寧公支欲自清其所出不便強爲之合復議續修文敏公支系以俟異日之統乃繼寧公下所遺東溪派又不附其所親而願就於我識者莫不訾之而雙桂城東洋峩下門數派乃不辨其所入之非竟請同入我局則異矣夫以爲延晞公譜則長饒不與以爲文敏公譜而東溪又廁其間各實不符甚非所以信今而傳後也

業自惟謏陋遠媿昔人然任其彼此混淆又非所以清源潔流敬宗收族之道於是僉議附和於東

文敏公宗譜卷之二

譜各派序

古歙高山派

皇帝在位三十一年中秋月余治裝將之西江叅政適宗人潘子隆者以其姻婭之胡氏曰演曰淵曰灤之幣徵余序諸譜余曰高山之胡果我清華之所由分與子隆子曰遷諸高山者雖自桂林而桂林自祁之金嶺金嶺則本于清華自源而委遷派甚明故其家乘與清華譜系如日星也不然而合甥雲衢氏肯苟合乎余曰譜貴不冒附不謬援在雲衢旣無謬援之失而高山必無冒附之愆夫然則葺之者析之極其精而不亂合之者歸之極當而不遺也余可以無言邪自昔天子因生賜姓而譜

系之作由來尙矣壞于五季之僭亂紊于近代之混淆而宗子
之法始不明矣余媻家亦爲此懼克紹前烈重修統譜會遠近
之宗枝叙昭穆之世次蓋欲使各宗知從遷之自而不失夫木
本水源之思也今集而至於高山亦將使高山之爲子若孫者
知其所遷之由皆曰清華其本根也金嶺其條幹也桂林其枝
葉也而高山其花實也以根統幹以幹統枝以枝統實固清華
之盛舉而其實以附枝也 以附幹也 以附根非吾人之所當知
者乎噫茲固統宗之意也而亦會歸之意也是爲序嘉靖癸丑
歲賜進士出身大中大夫江西等處承宣布政使司右叅政桃
溪潘鈇撰

歙南李黃塘派

書曰無稽之言勿聽蓋言吾儒之言行必有所本有足徵而後可垂爲萬世法則文獻之足洵不誣也况姓氏之支派名分之尊卑忠孝節義之流芳往往載入家乘以垂後人法戒世系賴以不紊故各氏珍而藏之時而脩之以其所係誠鄭重也歲戊寅秋余因遊泮謁親於敬泉姑夫之家爲兩羈畱下榻之次叙伊氏流衍尊祖敬宗之義因出譜以徵予言余之才奚足以序而與翁誼屬周親居同鄉井即無文其奚敢辭故不揣固陋而閱其巔末乃知伊氏錫於周始自胡公滿貴顯於唐清華瞳公盛於常侍學公復衍至九公昔由歙而遷清華今復由清華而歸歙蓋不忘其源之所自出也觀其先世派衍前賢序之甚悉迨後歙東桂林曰千四公者時因金虜猖獗丁役重繁故棄桂

林而遷高山及相翁宅之李黃塘者則自德二公之子曰未公於洪武年間因其兄亥公爲遣戍之役唯恐波及目見聖壽庵之傍山形懷抱廣平里許遂携家而居之於斯時有李果數株碩而且繁卽紀其地以名曰李黃塘焉迄今歷傳十世庶而且富不乏偉人克繩祖武雖地靈而人傑皆由遷之餘蔭而至于今所謂源遠而流長本固則枝茂良有以也然每觀枝盛則葉日繁族大則親日踈恐後代忘其先世之所從來已身之所自出予故述而序此使後裔見之曉然咸知李黃塘之支卽清華之派李黃塘之族由未公之遷李黃塘之祖宗皆表表之人豪俟後之續修者可藉此而復輯之庶不至無稽而罔覺也則幸矣于是乎序崇正戊寅秋月南邨邑庠生章良臣循古氏謹撰

前坦痕頭派

盈天地間皆物也皆人也物皆本乎天也人皆本乎祖也
凡有血氣者無論於人與物而皆知其本也是故人而不
知其所自出知其出也而不知其所自遷知其遷也不知
其所自垂凡此者均之謂忘本也忘本則世次混淆涇渭
莫別名雖爲人實不逮物矣吾家自始祖常侍公以來其
發源也甚長其流支也甚遠其中遭兵燹火族誼之不講
也久矣若吾早口之宗人徒知遷徙不常而不知始遷之
祖實由于十三公自十三公而遷迄今世次歷歷可考厥
後念四世考曰長寄叔曰長秋叔者經邱尋壑見前坦痕
頭兩處一帶綠遶諸峰翠圍遂肇宅於斯焉是念四世兩

清言古史卷之二
翁者乃復遷之祖也然恐其倫之數則以五行序之宛爲
一家成法夫有是美彰於前又有是盛傳於後則夫所自
出所自遷所自垂與所復遷者曉然明矣爲子若孫當黽
勉激昂去其舊垢而日日新焉則祖德宗功庶乎其不墜
也哉於是復序

皇清康熙庚申歲念五世孫時泰百拜復輯

淳邑胡村畝派

夫家之有譜猶國之有史何也蓋史載歷朝之綱紀譜敘
世代之源流實爲子孫之根本胡可忽乎哉故不得不及
時而修輯也第事關重大必法先賢之制作畫圖考系序
世次正名分筆削貴嚴去取貴當叙事貴詳而有體竊取

其義可苟焉而已哉按邑東胡氏其來遠矣自後漢乾祐
間公遂家青溪之常樂鄉厥後子孫蕃衍遠近播遷
悉詳圖叙茲不復贅迨明嘉靖間二十一世孫滋顯公偕
子栢公由常樂而居小沙之胡村畝嗣後孝義耆英者代
不乏人迄今相傳多世生齒日繁族屬日渙較諸疇昔不
無少異雖然顯晦盛微固家運一定之機而挽盛振微尤
在人爲何如耳爲胡氏子若孫以祖宗之遺澤燕翼而以
祖宗之遺訓敦崇數世之後將必有昌大其門閭者矣又
孰謂家運之隆替不係於子孫賢否也耶若是譜之作也
筆小善而削大疵去非族之貂聯取是族之鶉結與夫溯
源流而紀遷徙畧別派而詳本支則倣春秋而宗歐蘇譜

法斯爲繼述之善當與國史並珍傳于不朽矣予適茲假館喜其譜事告成姑敘于簡末以紀歲月云至若大會宗支統合譜系光榮先後又有望其後之賢者能者繼起而從事焉書之以俟

峕

皇清康熙四十一年歲在壬午桂月之吉玉瞻程其琅拜撰

滕源佛嶺派

嘗觀古同井之家歲時蜡社冠婚喪祭疾病以及守望出入莫不相爲憂樂誠哉古孝友睦婣任恤之風也夫同井之家未必盡其族也乃吾見今之共族者自總麻親盡而益遠吉不慶凶不弔老者不必憐其孤富者不必憫其貧

一爲途人相視漠然不加喜戚於其心何古人能使踈者親而今人乃率使親者踈也豈非不明一本親七之意歟吾族自常侍公後十五世孫已公始來居此至於吾十二世族纔百餘家人率儉樸而冠婚必相召喪祭必相赴守望出入必相保雖不盡式好無猶猶未至於盡踈如所謂途人相視之甚也然吾思兄弟本同氣之餘與叔姪在同堂之日或亦怡怡相悅未至於相遺也其相遺者以子子孫孫族繁而後踈也今自己公至於吾僅十二世族纔百餘家已不盡相好無猶則自此以往傳於無窮又安能憂樂不相棄一如今日乎其不至途人相視漠然不加喜戚於其心也幾希夫以宗祖一人之親終不免於途人相視

清華古史卷之二
三
之疎殊失一本親匕之意此宗支譜系之設誠欲使吾族
皆念一本而篤親匕也使自茲以往傳於無窮凡在族者
冠婚必相告喪祭必相赴守望出入必相保老慈幼富矜
貧斯亦可矣然以比古至治之俗不過古人同井之義所
以親其疎而所以親其親者抑猶有望也其可幸也夫抑
可感也夫

峕

皇清康熙丁亥歲孟秋月朔後一日壬子常侍二十九世孫駿

謹識

梓木源分遷諸派總序

木有根焉有幹焉有枝葉焉根之厚者幹乃大幹大而枝

皇朝日蕃葉日茂其岐而錯出者遂離竒茲鬱而不可計數天

之生人與生木也何不類然胡氏自常侍公植基清華其
孫曰文敏者子四人伯曰珍生子三其三名介臣闕八傳
有曰子志者由清華而選勝遂卜居于梓木之源生有七
子乃爲梓源派之始祖曾孫曰美四生雷真又由梓源而
遷賀家邊即河濱也後五傳有天孫者又由賀家邊而遷
廣信之貴溪是貴溪河濱之族同祖雷真而分於梓木也
美四弟美七生子二長曰玉祖次曰宗文玉祖由梓木源
而遷大源後十傳有友坤者又由大源而遷畢源宗文則
自梓源遷天井源其第五子于廿三之後五傳有趙德友
德兄弟二人由梓源而同遷黃砂下村是大源畢源井源

與黃砂下村同祖美七而亦分於梓木也梓木之枝何其
盛乎夫清華梓之根也乃祖常侍功德巍七其根厚矣由
清華而梓源木之幹也七子發祥大其幹矣若自河濱貴
溪以及黃沙下村乃梓枝之錯出乎然綿七繩七梓之枝
若葉離奇莠鬱而不可計數矣特根同枝異漸分漸遠不
有以聯之則一枝之外悉視為異卉焉又何論其別植鄉
井遠樹封疆枝柯之迥不相附接者因畧叙其源流使為
梓木之後者由枝達幹由幹返根以篤一本之誼且益思
所以培植之使梓枝愈蕃梓葉彌茂以離奇莠鬱於不衰
云

皇清乾隆二十六年小春月中浣碧山張圖南拜撰

井源派

胡氏系自常侍公以來素稱望族凡散居外省者更僕難
終即近而新安六屬支分派別幾爲碁置星羅然而根幹
相尋淵源有自汾陽墓下豈容濫拜君謨臚唱何須引嫌
考昔始居清華昌隆閥閱姓通國家者不可勝計各垂史
誌者難以數窮赫赫家聲由來已久厥後十三世祖子志
公情欣幽雅性樂安閒乃遷居于梓木源又傳而十八世
祖仲八公心存遠計志在永圖于是始卜居於井源轉輾
相傳枝葉分明源流不爽井源介居鄉之西北地雖彈丸
然水繞山環形如玉帶奇峯秀壑多爲形家所賞溯自卜
吉而後人敦淳古俗絕紛爭田廬井畝池竹桑麻四望如

清華古邑之風俗
卷之二
畫彷彿桃源中景是未必非祖宗之呵護也居此土者烏
能忘所以云

大清乾隆二十六年歲在辛巳孟秋月郡廩生張元泮拜撰
洪源派

地之靈無論廣狹也因人而靈人之傑無論衆寡也以行
而傑故觀人風者不問其地只視其人胡氏常侍之裔兆
居清華都邑會也其轉展而分遷內外郡邑又不可勝數
閱十六傳有仲顯公乃常侍公之孫曰文敏後由清華遷
于龍山坦頭再傳曰圭三公者志耽林壑卜勝洪源愛其
地之崗鎖如環川縈若帶茂林修竹邃塢平疇洵爲塵氛
不到之區遂復由坦頭而徙居焉厥後瓜瓞蔓延世守耕

讀其俗最爲近古而人文亦克以聿振迄今入其里覽其
遺風禮讓謹厚固通都大邑者或不之及而桑麻廬舍怡
然自樂耆老童叟含哺鼓腹不琢不雕何減羲皇上人也
維茲庚辰小春其宗人大會於洋峩之墓寺謀修支乘欲
擇地而建厥局僉曰維洪源宜而啟棠諸君辭之不獲乃
肩其任遠若近遂羣集於養元之堂溯源澄流闕疑傳信
凡董率贊襄者咸無忝厥職而片楮斗粟悉於地主是問
皆應之而裕如宗人惟受成事焉閱一載而告成功夫胡
氏望族也地之大人之衆豈無有遠過於此者胡宗人詢
謀僉同付以艱鉅之任而不疑雖通都大邑有撓之卒莫
能阻者斯豈無所見歟夫將以此中固大有人在也然則


人苟魁然而傑出又何論地之狹人之寡乎後之居斯地者皆可以奮然興矣

昔

大清乾隆辛巳菊月上浣碧山里人張圖南拜撰

洋峩上門敬一公派

昔人遷徙之義約有數端焉或因宦轍而奠居或以服賈而流寓否則卜地選勝欲逸其身以蕃其子孫者比比而是若其篤念本原遡先人之坵壠思以日掃松楸時薦麥飯遂向域畔而宅爾宅焉者固少概見矣胡氏自清華分遷雲飛星散播處內外郡者不下數百族而文敏八世孫曰二六由清華而遷洋峩繼繼承承源同流別閱五傳而



曰敬一者乃分爲洋峩上門洋峩固胡氏鼻祖常侍學公
藏玉之地也墓旁有祠爲諸派會集祭掃之所胡氏內地
子孫歲一至焉而茲之祖若孫獨卜宅於先人之側且世
守其地終不他徙將風木之感不能一日去諸懷而掃松
楸薦麥飯歲時伏臘老若幼可以羅拜於其前諒非僅逸
其身蕃其子孫者比嗚呼後之宅斯土者歌於斯哭於斯
撫時感物觸目興懷孝悌之意可以油然而興矣亦曷敢忘
乃祖之深心乎敬一之裔曰煥曜者因宗人釐訂譜牒求
余一言以紀其族余故原其先人擇居之志以告之
昔

大清乾隆二十六年辛巳菊月吉日碧山翁培風張圖南拜序

大清古史卷之二
古欵高山派

寰宇皆山也穹然而高號名山者三百而泰岱爲尊其稍
殺者爲崗爲阜其下爲培塿千支萬絡不可枚舉然原而
溯之崗阜培塿根於泰岱而泰岱又祖於崑崙是寰宇之
山高高下下必以崑崙爲宗矣夫人猶山也人之於族若
大若小支分而派別亦猶山之由崑崙而泰岱而崗阜而
培塿一本而異幹也考胡氏自唐常侍學公崛起星源之
清華磅礴鬱積長發其祥而雲仍之昌熾遂不啻千巖萬
壑之競秀而爭奇是清華乃胡氏之崑崙乎閱十傳而曰
之德公者由清華遷祁之金嶺再傳曰思聰公又轉徙欵
之桂林其子竺公復自桂林仰止高山因卜居焉嗣是子


姓蕃衍別井分疆亦不一其族惟廿世環孫公而下世守
先人遺業至今猶山中人耳其由此而他適者爲塘林方
佛嶺金竹嶺東川李黃塘暨淳安之雲濛源等派雖各聚
其國族又以高山爲尊然則高山固未敢云泰岱乎但從
高山而分巒列嶂者或大或小幾若崗阜培塿之環泰岱
而星羅棊布矣歲屆辛巳之春星源宗人集修譜紀凡歛
之敦本原者幾如羣山之赴荆門而彼高山之支脈絡相
維大小相貫亦與從事焉以見千年顧祖歛之休風今猶
有存者是又統泰岱崗阜培塿而悉歸本於崑崙也因畧
述其源流垂諸簡牒使綿七之胄與峩峩之山並峙不朽
云

昔

大清乾隆辛巳歲一陽朔星江張圖南拜叙

淳安雲濛源派

今夫水必有其源源遠者流自長木必有其本本深者枝
自茂人之於祖亦然祖德之深遠猶水之源木之本也子
孫之蕃衍猶流之長枝之茂也我鼻祖常侍學公文經武
略救萬民于水火復唐室以中興爲一代勲臣後卜居清
華爲清華胡氏始遷祖傳至九世曰之德公由清華遷祁
之金嶺德公第三子曰思聰公復遷歙之桂林坊聰公第
四子曰竺公又遷歙南高山七傳曰禮生公者明正德年
間常遊于浙之嚴州淳安愛其地俗敦古處人鮮澆漓遂



上淳南雲濛源而居焉歷今二百餘載丁繁族大珂常有
志歛貲生殖創建祠宇上奉宗祖于寢廟春秋祭祀下萃
孫子於一堂型仁講讓爲一族規模奈有志焉而未逮今
值辛巳仲秋婺西洪源養元堂開局續修文敏公支乘婺
有蕃有宗臺志切親親不以遷遠見棄偕歛邑爾榮宗姪
遠涉閒關而以譜牒見招余竊喜素志未獲克展於本族
者今幸與衆派聯宗睦族藹然一家亦以見祖靈不忘其
本而有是舉也敢不踴勉從事爰集本支叙其世系編爲
行次分而觀之爲雲濛源一派推而上之雲濛源之派即
桂林高山之派而實即常侍公之共派也珂不敏自媿無
文直陳其事俾後之子孫咸知水原本本之意云

大清乾隆二十七年歲在壬午孟夏月常侍廿六世孫明珂自

拜書

古歙金川中門派

古之治也上則統於君下則統於宗故曰君之宗之宗有

五其一為大宗其四為小宗白虎通所謂大宗率小宗小


宗衛羣弟也雖然世典漏此以矣眉山蘇氏譜其宗而私

之於已其言曰詳吾之所自出尊吾之所自出嗚呼其初

慨夫以一人之身分而至於塗人也則譜之譜之而仍私

之於一已是又明知一已之身其終不能不分而至於塗

人也是有譜不如無譜之愈也君子以為隘矣然而為此



者無冒附之謬無濫援之失近世宗法不立諸如繼禰繼
祖繼高曾既散無友紀而即所謂百世不遷之宗亦不首
其義甚者根生枝播其中流移散徙數典既自茫然則不
顧其世次之先後強爲牽合而於古人上治下治旁治之
法雜然混殽不可復理嗚呼是誣其祖而已矣其又甚者
某宗某派有發聞於鄉里者無論彼此相去情隔勢禁而
一言宗法則必引而近之謂自某支所分某與某繼禰行
也繼祖行也繼高曾行也是直以塗人而強而合之於一
人之身也夫一人之身分而至於塗人者勢也勢吾無如
之何也其本塗人而強而合之於一人視彼親盡情盡喜
不慶憂不弔者情與分之間相去顧何如也推斯義也則

蘇氏之譜之未爲隘也君子猶有取爾也吾鄉金川胡氏其先發源於婺之清華清華之有胡氏蓋保姓受氏之祖耶世所謂不遷之宗也由清華而後則有祁之金嶺自金嶺以還新邑於此者歛東則有桂林歛南則有高山金川金川又高山所析者金川之裔曰大恒曰勝文曰紹彩與其大宗纂續舊譜而詳所自出事竣問序於余余於胡氏爲舊昏媾旣辭不獲命閱其譜喜其源流派別之所在絲來線去條條秩秩統而屬之旣無混淆之弊卽分而析之亦不失爲蘇氏一家之譜然則斯舉也其諸所云大宗率小宗小宗衛羣弟者燦然若網之在綱而派衍支分析爲三復支爲五經之綸之三十輻共一轂也慎斯術也以往

其有以矯夫近世冒附之謬濫援之失也夫

皇朝

大清乾隆二十六年太歲在重光大荒落重陽後九日弗山棘

人潘應椿稽首拜撰

歙南東川派

今夫族之有譜也所以統乎族而使倫紀有叙也故羣分之後卜居異地列萬支而昭然不紊演百世而秩然不亂俾脈絡分明由祖及宗由宗溯祖不特所自出之源燦然若星尊祖敬宗之義亦朗然日見是以世世珍藏垂爲家乘如我新安胡氏固安定郡王永昌公之後數傳至瞳公肇基宣歙其子學公闢基婺邑之清華皇皇乎新安巨族

但人繁而趨向異或奠居於故墟或擇地於他邑或寄跡於槃阿或選勝於都會雖分遷不一其地而所居皆能成族考歛南東川則自壽公始焉壽公原自李黃塘未公之派而未公固婆之清華學公十九世孫也予自乾隆辛巳歲館於東川見其風土盈寧敦崇孝友平居以序名列分爲懇懇適婆之宗人會集編譜敦倫睦族甚盛舉也予誼屬周親東人屬爲之序予以樗才曷敢贅一詞惟即其分遷源流約略述之俾知所由來而已

大清乾隆二十六年歲次辛巳季夏月梁安邑庠生眷教弟余

銑頓首謹撰

祖居清華安國公派

香田飲冷又十環對矣并余

自古國運有隆替而家世亦有盛衰別復循環理之常也然際其盛者固當有以保護之使不遽衰不幸值其衰者更當有以維挽之使可復盛此在爲子孫者刻志勵行以守先而待後耳我胡氏自常侍公清華開基四坊八子甲第連雲簪纓弈禩可云盛矣疊傳而後遷徙四出其守先人廬墓者源則同流則異或有盛亦有衰焉我祖文敏公常侍之孫也生有四子支派綿茂分遷遠近數不勝計至元孫曰安國公有子五人其四人者不數傳而皆替雖外徙者今亦卒無可考惟我璠公乃安國公之第五子也以姒以續至今二十餘葉奠居祖宅奈家世式微殊難大衍

其宗祊視內外周親固不逮遠甚嘉甚懼其衰而不克復
振也辛巳之歲諸宗人不忘祖德纂修家乘遠近駢集乃
以嘉居始祖發祥之地篤念親親不以微而棄之得與於
洪源之役嘉不敏無能闡揚其先畧叙數言於簡末使後
之孫子世守勿失庶覽焉而興思以克繩祖武不至中落
而遂難復振其吾族之大幸也夫

昔

皇清乾隆辛巳歲菊月常侍公二十七世裔孫時嘉百拜書

香田宗善公派

宗善公香田胡氏始祖也其先文敏公即清華常侍公三
世孫越十七世至宗善公遷香田於今又十數世矣世系

以譜牒而定譜牒以增修乃詳故有統譜卽有支譜修支
譜正所以備統譜也胡氏統譜著於前朝而文敏公支譜
經今八十餘載以朱子三代一修之說揆之則甚亟亟矣
但支譜較易於統譜功費煩簡不同而嚴是非分正從定
繼立別異同繼繼承承不僭不紊不漏不支則支與統實
一所以宗之有譜猶魯之有春秋筆則筆削則削義最嚴
也世人不以譜爲義而以譜爲利於富貴則引爲宗族之
光於貧賤則同乎秦越之視因而行私冒認者有之借公
貪賄者有之以故事未成衆志不一事卽成物議又多是
必爲子孫者誠意正心承先啟後深思木本水源之理實
體聯宗睦族之誼以嚴義利之辨而膺斯任方貴乎有譜

則修之之責不綦重哉今宗善公九世裔孫士曦老親翁者不時促談每以譜事爲念問其故曰藉祖宗之庇居行第之長根本事是吾任也自文敏公支下數派會議於洋峩定洪源開局已有成規本家人丁較蕃衆費亦集將次編輯付梓篇首不可無言煩爲我宗善公序之因考其始遷事實艱難困苦創業開基真無愧以善命名也善創垂則善繼述不令人恍然於公以上根之膏者葉必沃源之遠者流必長而公以後世世子孫更無不準繩也哉故不必舉浮詞以誌美稱遠代以揚徽第卽香田之始祖以觀歷代之人文居然胡氏望族况裔孫殷七問序實以祖宗爲重不敢視爲易易事其誠意正心爲何如也不揣固陋

略敘數言俾後之視今亦猶今之視昔豈不偉歟

昔

皇清乾隆二十六年辛巳歲孟秋月穀旦同里郡庠生金德據

頓首拜謨

城北派

嘗考白虎通宗族之義宗者人之所尊也大宗一小宗四所以紀理族人者也族者湊也聚也生相親愛死相哀痛有會聚之道故謂之族宗法旣廢族無紀理族人悉相視爲途人而聚者散矣譜牒之立所以維宗法之衰乎自宋迄今凡有氏族必有家乘無小無大胥視此以爲輕重顧瓜綿之族世守勿失式微之裔每數典忘祖此蓋肩纂修

之任者有詳顯畧微或因私廢公之失而值纂修之會者
或世衰而力薄或力備而志殊馴至世遠人遙幾如芝草
醴泉之不知所自出竟無從而考証之于是任意遷就則
貽濫觴之誚愬然棄之又起庭堅之慟晚近譜牒之弊類
難免此彼魚目不分硃玉共陳者固不足齒數矣然則纂
輯之事蓋其難哉城北胡氏乃常侍十八世孫曰思善之
裔而爲文敏次子霆之後也思善始居城北其子四人伯
曰仁傑以明永樂戊子歲貢任雲南按察司照磨季曰貴
以子勲贈徵仕郎孫曰名達以功授巡邊御史曰華景泰
丙子鄉貢任廣東海豐教諭曰臯天順壬午鄉貢任真定
府判官轉湖廣祁陽知縣曾孫曰清天順己卯貢士人文

輩出奕匕簪纓殆以文經武畧世其家者歟其後亦少凌
替衰微矣至廿五世有曰鏗者復自城北分遷曉源今二
族皆綿匕繩匕而不忘其始故總號之曰城北派歲辛巳
胡君士先携其先世所藏寶翰赴洪源之局而從事焉維
時肩局任者矢公矢慎不敢苟且遷就乃閱其家傳龍章
鳳軸恩綸煌煌昭然不爽因爲博考詳核得玉川統譜舊
編誌載精密其叙仁傑之源流縷析條分與城北家乘若
合符節始爲援據續編旣無冒濫之嫌又鮮疎略之失從
此本支百世不至相視爲途人洵足以紀理族人而維宗
法之衰乎爰直述其始末以見任事者審慎再三大異於
輓近濫觴之俗又以見子若孫能世守舊物文獻足徵使

祖功宗德不至湮沒弗傳亦足為賢矣

皆

皇清乾隆二十七年歲在壬午正陽月碧山張圖南撰




胡氏文敏公宗譜卷之三

胡氏始封得姓傳系

因生賜姓蓋自五帝三王始也書契作而結繩之政弛姓氏繫而宗族之禮敘然或以國爲氏或以官爲氏或以名爲氏或以謚爲氏人族得姓非一焉且胡氏實自胡公滿始滿爲帝舜後封國于陳以謚爲氏者其子孫也蔓延百世詎可以數計哉國於陳郡望安定歷周漢晉唐而爲星源人幾經兵劫難悉考究按本宗舊譜七世再遷爲一挈本紀所載自軒轅黃帝至胡公滿計一十五世外自丹以下又載幾若干世俱有官爵謚號考諸古史經傳多無其名間有大同小異未敢芟訂然而舊譜會

經於宋資政殿大學士胡仁昉公之筆其當時必有所據今乃續附錄於本紀之後以題為外紀云

此条應是老譜原文今將得姓傳系易置于前而原文不敢輕改也



第一世

滿公 生商帝 乙三十

五年甲辰父闕
父為周陶正母
明顯夫人夜夢
明月墜懷光輝
滿室感而有娠
歷大期生子賜
名曰滿北周武
王克集大統舉
繼絕世之典思
封舜後遂以元

第二世

丹公 仕周成 王為司

徒

懿子

第三世

孟陽公 為周大夫子二

洽 濤

第四世

洽公 字道正 周惠王

元年舉為宗伯
主嶽神之祀

濤公

第五世

思公 襲官宗 伯子二

道 克虞

女大姬配公封

國于陳為帝舜

後因其有胡考

之壽謚曰胡公

子孫遂以謚為

姓焉其後子孫

蕃衍封王侯者

數人而擔爵祿

者不可勝紀矣

第六世

道公

克虞公

有道術號清泉

子

第七世

高昌公

為齊大夫

第八世

季符公

事齊簡公為大

夫田恒弑齊君

季符爭之弗克

欲請諸大夫共

第九世

昭公

字高朗
流于楚

周顯十三年齊

威王召自楚反

齊封為司徒

第十世

雙公

字不疑
三子長

曰孟戊次仲丙

季癸壬



思

青蓮月氏之後公三普

世系淵源

二

肇

十一世

孟戊公

仲丙公

仕齊為莒城宰
子二 傅 佚

季壬公

十二世

傅公

字混初
事齊襄

公燕人下齊七十餘城傅從田單破齊盡復燕地襄公拜為上卿

佚公

十三世

君已公

仕齊國為工正因張儀說齊王事秦君已諫王不聽反置之以罪遂隱不仕魏侯聞其賢召之

討之無與謀者乃棄爵位而之楚焉

十四世


變公

字有常

十五世

孟龍公

字東卿為魏大夫家臣子三靈翔 應星太武



十六世

孟龍

靈翔公

字君澤為上黨

可守

十七世

義公

字聖始
從漢高

祖入關拜都護
三年拜中郎將

十八世

琇公

字安國
習申韓

法律拜為廷尉
子二 伯奇
叔善

十九世

伯奇公

字與仁仕漢為

彭城宰追贈安
定郡公子四
計寧 可寧
友寧 士寧

二十世

計寧公

字味道以功拜

車騎將軍徃征
匈奴宣威萬里
封安定郡王
子二 元善
元素

可寧公

封檢校太尉

友寧公

封太子太師

士寧公

封檢校司徒

應星公

太武公

廿一世

計寧

元善公

襲封安定郡王

廿二世

凱公

字仁本
拜湖南

節度使漢地節
三年賜永昌公
墓咸陽秀德鄉
鳳凰山

廿三世

溫公

字渾然
中書門

下平章事

廿四世

謹公

字慎言
事漢為

侍中歷事成哀
平三朝因莽賊
篡逆隱居咸陽
鳳凰山中

叔善公

字與良贈滁州
刺史

廿五世

從吉公

字迪善從漢光
武討王莽封鎮
國大將軍建武
初盧芳據安定
舉家避亂求全
散處東南列郡



賊平返居咸陽

謙公

字遜言
司徒門

下平章事

諄公

字貴言



元素公

廿六世

從吉

炤公

字道明
習孫吳

兵法仕漢為司
馬防禦邊戍永
平七年封都元
帥破西戎有功

殷公

字公度
習春秋

得公孫宏之要
旨自號公孫經
士擢賢良科為
博士官至右僕

廿七世

剛公

仕漢為
中郎將

值王莽居攝解
衣冠懸府門亡
命之交趾隱於
屠肆之間後莽

廿八世

貢公

為交趾
都尉

廿九世

寵公

長子曰
廣字伯

始即廣彝也再
娶江陵黃氏生
子曰康字仲始

三十世

後封安邊王生
二子 殷 安

射同中書門下
平章事

敗乃歸鄉里弟
柔仕漢為都官

安公

字公謹
有道術

于邛州白鶴山
中騎鶴昇仙其
山有授易洞滴
珠泉西巖翠屏
萬竹之境

三十一世

廣彞公

字伯始行二十
生元和二年五
月五日漢安帝
舉孝廉為天下
第一屢遷至太
傅三十餘年歷

三十二世

權公

字仲輿
仕漢獻

帝為都護建安
二十年贈鎮國
大將軍

三十三世

逝公

字朝元
仕魏文

帝為司徒二子
質 椽

三十四世

質公

字文德
魏人官

為魏博士與徐
邈田預等歷事
四朝封關內侯

椽公

字文舉
仕晉武

三十五世

伋公

字希孔
號鳳梧

先生有文集

仍公

字載章
仕北齊



事安順冲質桓
靈六朝治政有
體號曰天下中
庸卒熹平元年
壬子壽八十九
墓陝西保定縣

康公

字仲始

三六世

度公

字叔度
官至西

川節度使

仍

三七世

曉公

字明奮
行廿六

由關西遷洛陽
即齊也晉武帝
選其女芳為貴
妃拜鎮國征南
大將軍兄廣字
宣祖官至散騎

三八世

懷公

字尚德
官至左

丞相兄喜字林
甫官至涼州刺
史

三九世

慶公

字子餘
由咸陽

徙居潤州為常
州宜興令墓丹
陽縣西弟平字
正叔官至禮部
侍郎

帝為屯田郎中
太康四年拜相
永嘉五年封平
陽王


四十世

隆公

字李準
封定遠

侯

官至同州刺史



隆

四一世

諧之公

為江州別駕弟
湘字子荆仕陳
後主為司馬

常侍

四二世

蔭公

字儒林
仕唐高

宗為青州刺史
封定遠侯三子
庸繼 頡 須

四三世

庸公

字用廣
有孝行

唐元宗旌表其
門曰胡氏孝義
從兄僧佑仕良
為假節武猛將
軍遷居建業

頡公

字用吉
侍唐元

宗為禮部侍郎

須公

字用初

四四世

伏公

字孔昭
唐代宗


朝拜江州刺史

四五世

澄公

字秋崖
為諸道

都監運鐵使



四六世

澄

琳公

字伯玉
為江寧

府節度使

四七世

元禮公

仕唐官至刑部
郎中

四八世

範公

仕唐官
至鳳閣

侍郎洛陽秘書
都監

四九世

樂陵公

官至兵部郎中
二子長曰福次

曰杲

五十世

福公

字元善
任姑熟

守今太平府是
也因避巢亂遷

居古歙黃墩

杲公

仕唐為
懷州司

馬年九十賜老

歸田會昌間與

胡吉劉鄭盧白

張季友僧儒等

序齒為香山九

老會嘗賦詩云

間居同舍此三

春大抵吾年最

出羣霜髮不嫌

杯酒興白頭仍

愛玉爐薰

五一世

福

裕公

字伯寬 隱德不仕

五二世

伸公

字自道 又名潛

字九淵行十六 生唐憲宗元和四年己丑十一月十六日生五子長曰焰居黟縣黃岡次曰爛居休寧還珠三曰棗澗居休寧渭橋四曰煙又名煥居黟縣五曰煉名瞳居黃墩

五三世

瞳公

諱煉行 十九居

黃墩唐光啟中以子學仕唐討巢寇有功勅贈金紫光祿大夫浙西節度副使娶戴氏贈新安郡君又妾黃氏顏氏柳氏姜氏馬氏生子十四人壽康福寧聰仁廣武靖惠茂珍學輝女四環似錫璋公墓祁門義城里

五四世

學公

瞳公第 十三子

字學輝號真翁 行十八生唐宣宗大中四年庚午八月戊戌日丑時咸通九年中鄭從讜榜進士官至銀青光祿大夫散騎常侍文德元年致仕歸由黃墩徙居古邑清華卒天祐丙寅三月十六日子時墓里之洋峩壬山丙向正妻李氏封歙安夫人墓

五五世

大公

名遵又名稠諱

延簡居長壽坊 遷山坑胡村及鄱陽故縣

二公

名崇諱 延昇居

仁壽坊遷廻峯 曉莊今龍尾東岸西岸及樂平小坑

五公

名恂諱 延厚居

安仁坊

十六都沱川張
村心坤申向次
妻程氏安氏張
氏劉氏又妾十
人生子八人列
處四坊各居一
宅是為清華始
遷之祖焉

六公

長壽坊

名文諱
延暉居

九公

安仁坊

名武諱
延晞居

十一公

名愈諱延樂居
仁壽坊遷石槻
胡村今玉川海
川

十二公

名潤諱延魯居
桂枝坊


十三公

洪源宅基圖引

蓋聞星羅碁布不乏名區虎踞龍蟠難尋勝地奇鍾一脈搜來
天地菁華秀挺方隅賞去溪山物色則有如洪源胡氏里居者
耀文明于南極羅曜光騰披錦繡于北巒西山翠擁方泉似鑑
影搖明月漾金波曲水若環綠繞煙村圍玉帶處處吟蟬弄鳥
尋幽致於古園時時鼓瑟鳴琴領書聲於精舍畫中詩詩中畫
不數摩詰庭前人中景景中人何殊桃源洞裏凡茲美麗固足
娛遊載賡七言用誌千古

金潭汪儲英題

羅曜
南離



村羅六母

室寢

堂貽百


榭六漱

胡氏宗祠

月印泉方

西
山
樂






古垣園林

道安堂

洪源基



洪源六景詩


羅曜南離

峯回翠繞插南關更有星羅若挽鬢
暝見陸離光燦燦雲收鬣
鬱意閒閒不從東斗爭明月偏對北巒
懾衆山大地形連天上
曜高居陽位照人寰

秀簇西山

休將劍倚崆峒外簇七西山秀氣盈
蜿蟺峰巒爭擁翠靈竒風
雨競敷榮遠披碧綠雲如錦近就陰翳
鳥弄笙嘯響鸞音尋逸
契應知此地兆文明

方泉印月



清光澹蕩任凝眸
印入方泉景色幽
漢使殊辜浮浪拍
唐宮空設廣寒遊
撈來欵答騷人興
漾去平添碎玉流
我欲步蟾爭桂掇
適臨影映亦休休

東堂汪儲英題

曲水環村

密谷平疇烟靄屯
涓七泌水護衡門
清波欲鎖塵凡路
曲岸纔通桑柘村
異地懷人思在沚
閒情列坐可傳樽
三春花落隨流出
疑是桃源今尚存

古坦園林


迂紆蘿景入雲深
更有幽園翠滿林
古木烟寒誰識暑
叢篁霧

清華古尺金龜全書卷之三
一
靄晝長陰三秋黃葉三春雨一塢涼風一樹禽料得北窓高臥
士扶筇永日欲披襟

樹人名苑

武陵溪畔讀書堂石井寒泉翰墨香講易時研花上露論文欲
共月中觴雨深三沼蛟龍變藜燿五更星斗煌勝概樹人人自
樹滿門桃李立行行


碧山張圖南題







香田宅基圖引

考昔人之論人傑必由地靈稽形家之言山環不如水繞胡氏
卜居香田已歷十餘葉其先簪纓財賦獨甲於諸族舊有西庄
水圳回環繞帶乃宅基之蔭也歲久湮塞其地爲比隣者所營
築自後人文遂以中落識者憂之爰於乾隆二十二年僉議修
造幾經艱阻而後成因圖之譜牒使世守勿失將宅斯土者庶
幾地轉其靈人復其傑以嗣前徽繩祖武其裨益爲匪淺鮮矣

本里士曦謹誌








城北派爐頭宅基圖引

我婺爲山諸侯國由西迤北而南右支爲文公祖墓來龍經
脉左支爲邑治來龍經脉其初起過峽處率多奇峯邃谷幽險
詭倣迨漸出而寬廣平夷彌望無際蓋山川伸縮改變理固然
也南鄉炉頭在邑治上游二十里自考川外關峻嶺而落平洋
胡氏世居其地青疇曠衍堆阜周迴林木森茂井里烟稠望氣
者咸曰佳哉鬱々葱々然茲爲寫其隰原繪其宅里以見地擅
勝概實分邑治支脉之靈秀陟在巘者復降在原宜其旣庶旣
繁而俗亦雍和淳樸也

鷺峯汪齋書題





爐頭基圖

宅基蔭木稅業


宅基之前嘉慶八年買得何大喜得雲父子土名汪廟下墳旁
 山庇木計楮樹四根松木大小數十餘根其稅糧內扒壹分零
 入本家大衆魁亮戶下契定胡姓不得侵何姓之祖何姓永遠
 不得砍伐此樹宅後來龍山近年又買得張姓上截浮木大小
 數十餘根護宅墨訂胡姓不得于山上阡葬張姓永遠不得砍
 伐此樹又前乾隆年間買得張姓山中截又何姓山下截其山
 東至山脚西至田南至本家全祖公水圳北至石砌為界中下
 兩截俱本家全稅全業張何二姓並無存留各有契墨為據
 嘉慶二十二年歲次戊寅季秋月上澣之吉

里人原兆謹識

東川湯源下宅基圖引

衆以三人而成邑亦十室可數惟積小以高大乃自少而加多地藉人靈人從地盛何必萬千門戶始慶那居卽凡四五煙村亦成望族生而聚庸有量乎踵而增斯爲美矣惟茲東川之舊里更闢湯源之新區面水倚山右岡左阜其原膺七爾宅田田春遶桃紅夏環秧綠新秋則襟披早爽隆冬而曝負彌暄樂備四時利羸百產無湫隘囂塵之陋有桑麻雞犬之饒卽今斯聚斯歌允卜而昌而熾用圖佳勝一展卷而可知式擴丕基益保世以滋大

金潭汪鷺峯氏題



湯源下
又名老鼠窠

坦

屋方

屋錢

田

田

井

園

園

園

田

田

田

田

坂

田

田


田

田

通福田
大路

村山東





天啟朱屏集

大領

上海圖書館藏

楚溪宅基圖引

鍾奇毓秀固賴地靈錫福降祥亦關天運要惟有人之奮
起斯能應候以興隆同里楚溪胡氏與余村相隔一衣帶
水誼聯桑梓好締朱陳親仁善隣對衡望宇仰惟盛族宗
承唐朝常侍而來喜際

清時選入槐市衣冠之雋遊其里者共識此中有人莫厥居焉
洵爲孔樂斯土成族成聚已瞻佳氣扶輿迺理迺宣更看
鴻猷駿發攬形勝於四面我曾敬識弁言寫宅里於全圖
茲復恭疏短引


羣圃汪秉元載題

大路至鶴口

大河水采

坦

宅潘至東



坦

北至
來冠山

址基氏胡



屋厨

赤洪台



田

田

田

田

田水

田

田

鐘
坦

田

田

田

田

田

坦

田

縣

田至

田

水





五龍山圖

江華古邑... 卷之二十三
思字壹千零玖拾肆號新丈三百步計稅壹畝一分七釐
入毛入絲正胡姓與呂姓共業呂姓該得四股之一胡姓
該得四股之三

